

<網上交友的第一次> 憑感覺愛上你

作者: 鑠詠娜

Powered by [紙言](#)

序

我鍾意網上睇故事，高登係我睇故嘅平台。Kelly係我個名，網名係K婷。我鍾意以愛情作為題材嘅故，特別對同性戀嘅故情有

獨鍾。我明白網上嘅故事大多數都係FF出來嘅，不過我一追故，就一發不可收拾，將故事當成事實，將主角變成樓主。適當

時候就笑，適當時候就喊。每當樓主更新一篇嘅時候，有時我都會留下言，大多數都係鬧下個樓主點解要咁對個女仔，又乜又

物咁。當然，我都被其他讀者話過『認真就輸了』。一個高登故讓我認識了你，亦讓我添增了一段單戀情。多謝你的絕情，讓

我忘記了你。亦多謝你的出現，讓我回想了你。甚至.....

第一章：網上交友

之前，我睇高登追緊一個故，『點解家姐要返屋企開房』。有一段時間，高登作家興起作『家姐』故，睇熱潮低下，我亦順勢潮流，

click咗入去睇。故事內容初頭無特別，屬於男女關係嘅愛情故，但係發展落去，有一part係講Girl Love，依個情節吸引我繼續睇落去。

故事內容唔多講，家姐返屋企同個女仔開房只係故入面嘅一小part，真正嘅主角，係樓主 - 發奮上腦。雖然文不對題，我對故事嘅發展

越來越有興趣，畢竟，我仍然相信依個故部分係真人真事。依個樓主初頭係幾盡責嘅，晚晚準時出post，即使忙，亦有拖無欠。到有一日，

佢嘅post到話要暫停寫故，因為佢要為嚟緊嘅AL retake作準備，所以需要時間溫書。我地作為讀者當然感到失望，不過我地仍然係理性，

心知佢嘅處境，亦都為佢AL而打氣。而且，我地亦相信佢嘅承諾，睇故後會為大家繼續出文。

4月尾，剩下嘅應該只有English Speaking，唔少網民亦開始追文，但係樓主亦遲遲未出現。我比較好奇樓主嘅事，可能係受

佢嘅故影響掛，我決定click入佢嘅Profile睇，留意佢最近睇高登嘅足跡。跟住，我留意到一個post，係佢最近開嘅，『忽然好

想了結生命』。佢寫下一篇關於佢自己嘅事，大概都係離開中學後冇乜同朋友聯絡，被舊情所困等等....好快，有好多網民留言

開解佢，有啲仲話大家做個朋友。我，係其中一個。我寫下留言，『你寫埋個家姐故，我即刻做你朋友』，依個無心嘅留言，

造就咗大家成為朋友嘅橋樑。

2日後，我睇高登收到人地比我嘅PM，原來係發奮上腦，佢同我分享佢嘅事，我亦回佢我嘅事，基於大家亦有相同嘅地方所

以容易產生共鳴，更何況，原來我同佢係同一屆AL考試生。初頭，佢以為我係巴打，就不斷話多謝巴打聽佢發嘢風，經過2

次嘅說服，佢先相信我係女仔。佢當然驚訝啦，仲話原來高登真係有絲打，而又有女仔話同佢做朋友。

傾咗幾日，佢話高登限PM唔方便傾計，問我可唔可以用line傾。我個人認為，交朋友唔應該有戒心，所以我比佢我嘅user name，

叫佢add我。佢住喺香港，佢亦知我住喺英國，依段Distant friendship我覺得好有趣。基本上，我

同佢係日日text message。大家嘅對話

由每日訓醒一句早晨/醒咗啦開始，結束於早啲/我要訓啦。毫無疑問，我地係假long d。對話內容亦帶出曖昧嘅感覺。

佢係金牛座嘅男仔，有時我覺得佢講嘢都幾sweet，唔知呢，可能係佢丞女無數掛。

同陌生人傾偈，我都係第一次。大家add咗對方，第一句以Nice to meet you！打招呼。唔覺意見到佢嘅profile相，雖然得半邊

面，不過睇落都唔差呀。之前我仲諗緊同緊我傾計嘅男仔會係點嘅樣，會唔會好毒架？定係書呆樣？依家總算揭曉。不過好快

佢就delete咗，好彩我早知佢有此計，我早就已save低佢幅相，免得唔記得佢係咩樣。講咗咁耐，我最在意嘅係佢個故嘅來龍

去脈。

講下少少你家姐同個女仔發生咩事㗎

Sheshe

唔怪得你有靈感寫依個故

ha，本身諗住寫潮文，點知變咗故

咁你繼續寫啦，好多人等咗你好耐啦

你唔覺得我好變態咩？寫埋啲感嘢

大家成年人，變咩態㗎，何況我又唔係要睇果d
我想知你同個女仔點

無呀，帽已帶

ohh sosad

同佢傾傾下，發覺佢係個幾有理想嘅人，依種人，我欣賞！

有機會嘅我都想去working holiday

幾好㗎，係一個新體驗㗎

係呀，唔甘心成世屈係香港

有志氣！

有志者，鄙竟成！

haha，無聊！

不過，無論一個人幾有鬥志，幾有目標都好，人總係有脆弱嘅時候，當心情差落，接近抑鬱嘅時候，難免會亂諗野。你有冇諗

過想跳樓？有無諗過啲人點解咁易想輕生？因為自我感覺蒙蔽了一切。點解有啲人會齋諗唔跳？因為自我意識大於感覺。當

然，從第三者角度黎睇，為情自殺係一件非常愚蠢嘅事，但係當事人嘅情緒所引致嘅自殺傾向，無人會理解得到。無經驗，零

了解，無體驗，零明白。不過你肯講，我一定聽！

好彩我話做你朋友咋，如果唔係你要去
尋死！

其實，果晚唔知咩事上咗天台

你唔係呀嘛

好多野揸

個個都多野揸架啦

嗯，不過好多野屈住係心，好辛苦

我洗耳公聽！如果你想講嘅話

帽已戴之後，個人都冇乜心機，好多
時會諗反起以前一齊果陣嘢，雖然
明知要放低，但係好多時都忍唔住

你仲鍾意佢，所以放唔低？

放唔低，心入面仲有條刺，那住那住

幾耐嘅事？

都成年嘅事

你好長情

Ha，金牛嘛

好彩你無直係去跳樓

放唔低屋企人嘛，我仲有d理性嘅

我同佢可能係啱啱識，好多話題可以講，鍾意聽咩歌？想去邊度旅行？今晚食咩好呢？大家都非常之好傾。有套電影

『Her』，係講述人工智慧系統可以幫人類做不同類型嘅野，包括做朋友，大家傾下偈咁。只係，戲中嘅男主角選擇咗同人工

智慧系統做情侶，佢地嘅下場，當然唔可以長久，試問人類又點可以同電腦系統拍拖呢？我同Wilson嘅情況有少少相似，無

錯，佢個英文名叫Wilson。

我想有女朋友，咁我可以攬住佢，錫
下佢，感受佢嘅呼吸

我何嘗唔係想有個男朋友咁對我

可惜，依家無人可以比我攬，比我依
偎住，係我內弱嘅時候做我嘅依靠

我做你無形嘅依靠！haha

多謝你！

使乜客氣呢！你都係我無形嘅依靠

haha 講呢d，無形人
Nice to meet you！

第一次同無形人傾得咁耐，其實我第一次上網識
朋友咋，估唔到第一次就識到咁啱key嘅你

其實我都係，我真係好多謝你，
陪我吹水，聽我呻，好多野屈喺心嘅嘢
同你講完，好似輕鬆曬咁

咁咪好囉

送首Until you比你作為報答啦，
留意下歌詞啫

<https://www.youtube.com/watch?v=R2KZFq5mewQ>

I love the way you stand by me

Through any kind of weather

It feels like nobody ever knew me until you knew me

'Cause I never thought I'd feel all the things you made me feel

Wasn't looking for someone, oh, until you

睇完歌詞，確實令我好感動，咁大個女真係未試過有人會憑歌寄意送首歌比我聽。從果一刻，我已經將Until You作為屬於我同

你嘅歌。每一次重聽返，我就會不經不覺間諗起你。有時仲會係到諗，會唔會總有一日能夠兌現chr

ous餘下嘅歌詞。不過，將

來係點，我唔能夠想像，亦都唔敢想像。我發覺我成日搵佢，真係驚佢覺得我煩。

其實，我又冇阻住你？

傻嘅，你又點會阻住我，咁難得
你肯陪我傾計

我成日揸你傾計嘅

無咩你，我都唔知搵邊個好

係你陪我傾計就直嘞

哈，咁就大家陪大家

555555

想點呀孖初見

孖初見好開心，因為有人陪佢傾偈

哈哈，咁我係李大仁，波鞋爸爸
定009

全部都係haha

曾幾何時，我喺Yahoo打佢個高登名 發奮上腦，我發現咗佢喺高登其中嘅一個post關於佢食煙嘅原因。原來，果時佢為咗能

夠接近佢當時嘅女神，佢不但每日陪女神去自修室溫書，為咗增進大家之間嘅關係，佢竟然學食煙。每次一休息嘅時候，佢就

會陪女神出去外面煲煙。講真，為女神而學習食煙，我都係第一次聽。作為討厭食煙或者吸入二手煙嘅我，我嘅另一半一定唔

可以有依種習慣。但係，如果你真係鍾意咗一個吸煙嘅人，咁點算呢？你有冇諗過，如果你鍾意嘅人為你而戒煙，係一件非常

感動嘅事？先唔好話係你鍾意嘅人，如果你身邊有人為你而戒煙，自己應該覺得好感動吧？你要知道戒煙並唔係一件容易嘅

事。

你唔好食煙啦，快啲戒咗佢

好啦

應承我喇

為咗佢，我學習吸煙，為咗你，我
努力戒煙，有咩獎勵先，哈哈

最多我返香港陪你睇戲！以後唔好為
女子學食煙咁傻喇

知道啦

:)

食完呢包真係唔買

噲，我信你架，唔好令我失望啫

知道，我都唔再自己睇戲

第二章：緣份限期

承諾，真係唔好咁容易應承人，講得出，就一定要做得到。當然，應承人嘅時候，初期一定拍晒心口，話唔會反悔，但到咗要

履行承諾嘅時候，就真係唔知會去咗邊。結果永遠都係將來先知，但偏偏無人知結果會幾時嚟，會唔會嚟，定係慢慢會消失。

講咁多，不如講咗係咩承諾先。

我突然間想去海洋公園

我都想去呀

不如下次我返香港，我哋一齊去？

好呀，我可以幫你影好多相

haha正呀！諗起都開心

約定你架喇，你唔好嫌我毒

你夠唔好嫌我宅

哈，你幾時返香港先？

聖誕，有排

半年好快啫

你要等我啊，俾自己走咗去玩

點會，你記住就好

到時你唔好扮失憶放我飛機呀

我點會

勾手指尾

那天我共你勾手指尾

haha我都諗到依首歌

Good，約定你

結局....又會係點？等待將來揭曉

不如你寫返個故嘞，好無？

嘻嘻

我講直架，好啦，我想睇呀

好嘞好嘞，放假寫

ok!

寫埋你先，情婦，哈哈

你個故咁深入民心，我比人鬧點算？

唔知呢

咁我叫咩名

Kelly

唔得！

哈哈，寫衰你先！

你咪寫囉！

最後，佢有冇繼續寫？先係話一篇寫咗一半，之後話聽日再寫，到果日佢話好叻，然後話比時間佢。最終呢？我唔敢再問佢。

因為我知道佢遲遲唔post文係因為根本佢唔想再寫個故仔落去。

我今晚應該寫唔到文sosad

點解

眼瞓，哈哈

Can't keep my promise this time

唔緊要

睇返以前寫果d，發覺都幾on9下

haha

尾已爛sosad

唔好嘞，作埋小小佢，故事要有始有終
架嘅，係咁

好啱好啱

加油

我今晚打住一半先，聽日再出hehe

咁唔完整

咁好喇，等埋聽日先

唉...睇你都係唔想寫文，唔寫就算喇
費事逼到你煩lu

比d時間來

既然佢唔想寫，我無謂再逼佢，即使佢無守承諾，我都唔會嬲佢。但會記在心，兼唔開心。同佢真係日日Line，無間斷過，大

家就好似彼此嘅知心好友，佢唔開心，我都會因佢而唔開心。有時，我仲緊張過佢自己嘅事。

Yeah! 比人炒魷

點解會咁架，唔好嚇我

講真

原因呢

話就話態度唔好:0)
東家唔打打西家

咁你聽日仲駛唔駛返

唔駛，過幾日拎埋張票

:(

哈哈，其實我又無乜唔開心

下，又會咁嘅
我仲唔開心過你

傻豬黎既

咁你仲會搵工嗎？

當然會，唔係你養我

haha

依個世界所有事物都有限期。隔夜飯菜只可以放一日，一個蘋果只可以擺2個星期，一段親密嘅朋友關係只可以維持一個月。

無錯，剛好一個月。究竟係邊一方傾厭咗？就由『已讀不回』，『唔再主動搵你』話你知。

點呀你，最近有無去睇戲

咁又無，唔想出街咁滯

無出去影下相咩？
搵工果度點呀？
有無回音？

我最討厭已讀不回嘅人，佢地從來都唔會知睇完唔覆係幾咁hurt人。從此，佢無再喺Line覆我，而我亦真真正正撈咗用Line嘅

佢。2·3日後，我轉到用whatsapp搵佢。我記得我地之前亦應承過對方會講生日快樂。當初佢15/5生日，喺香港時間12點

幾，我send咗Happy

Birthday比佢。2/7係我生日，但佢無祝我生日快樂。3/7凌晨，我即刻text佢.....

講樣野比你知，當你當對方係朋友
嘅時候，但發覺原來對方根本唔當你係一
回事，果個失落感係好大

T_T

你知我講咩咩

我知我琴日流咗生日快樂

由佢依個回覆黎睇，我就知明明佢係記得我生日，但點解一句生日快樂都唔同我講呢？我決定唔再搵佢，因為我發覺，我唔搵

佢，佢亦都唔會搵我。但係....我心入面不斷掙扎，我個腦不停說服我
“搵佢啦，可能佢有苦衷呢”。苦衷？佢會有關於我嘅苦

衷？我唔信。不過，最終我都係忍唔住，決定睇佢高登profile，留意佢最近有無開post/留言。我發現，喺佢個『突然好想死』

個post入面，有巴打留比佢嘅新留言『喂！樓主！Hi你呀！咁耐都唔出文，鬼唔望你食煙食到短命呀！』依個留言又令我諗起

當初佢嘅一個承諾，究竟佢有無真係戒煙呢？依個巴打咁咒佢，真係驚佢個烏鴉口應驗，搞到我有衝
你依家無再食煙架可？

動問Wilson問個明白。

少

好一個多麼冷淡嘅“少”字，重要係即刻已讀，但係5日後先回。

仲以為你唔會再覆我

到依家，佢亦無回我，最後果句，我都唔知佢見唔見到，因為佢last seen係回完我“少”嘅時候。
正常一個人有乜可能幾日唔睇

whatsapp？唔通佢出意外？無可能，Facebook成日見佢用mobile上線，佢上線做乜？我鬼知！有時我真係諗，佢究竟有無

block9我（唔好意思，我實在太嬾）不過，我check過，見到last seen應該無block到我。

當初，我好慶幸喺佢嘅post中，咁多巴打絲打都話同佢做朋友，偏偏選中我。我亦都好多謝佢3個PM都比晒我。我唔係義工，

我唔識開解人，但至少我可以陪佢傾計，等佢可以真真正正取消想死依個念頭。計返時差，佢訓覺，我返學，佢返工，我訓

覺，除咗以上時段，我地差唔多真係無時無刻都Line大家。有啲野，真係話無就無，話變就變，想幾冷淡得幾冷淡，由秒回到

5日後回，中間距離大概1個月。

無論點都好，依段曖昧嘅關係.....我確實唔捨得，而我亦都唔開心。佢唔再搵我嘅時候，我問自己，點解我要咁介意？我同佢

只不過係素未謀面嘅網上朋友。唔通....我鍾意咗佢？我唔敢，我唔知。佢對我嘅冷淡，不瞅不睬，已經令我既心慢慢變得冰

凍，正處於既失落同難過之間。我諗過好多好多佢突然唔再搵我嘅原因。我煩？佢同我傾厭咗？我做咗啲野令佢討厭？佢只係

搵我搵時間？我個腦諗咗成千上萬嘅可能性，但我真係期望佢可以再搵番我。就算做朋友，我都願意。

始終我知你唔會鍾意我。

<https://www.youtube.com/watch?v=q3vBfNy4l0c>

愛你 永遠也不會太多

為何 無涯天邊只有冷落

誰提示我 哪裡會是我苦海對岸

但我不難過 旁人共我又何干

仍會期望 你仍然或者需要我

人於哪方 我隨時來替你附和

從無離開過 假使你仍許可

來日再由我 危劫中護航

回憶太多 似洪烈火蒸發我

無悔飄蕩 慶幸仍能替你寂寞

千百年 寒冬裡 當星辰黯淡無月光

是你的輪廓 不肯捨棄我

結局我很清楚 存在好比一首輓歌

愛你的是我 紅塵內救藥無方

此關係已結束，雖然我曾經有預感我同佢應該總有一日會遇見

第三章：能否兌現承諾？

那年嘅聖誕，我返咗香港。我踏出機場，已經感受到香港嘅生活氣息。我已經長大，我唔需要家人接我機。我會好享受自己一

個人搭飛機，一個人回家。擺下貼身袋，拎出香港身份證，然後行過E道。喺等待行李到達嘅果一刻，心情係相當興奮，因為

我終於回到屬於我嘅地方。行出閘口，即時見到好多人等候佢地嘅家人，愛人或者朋友，我都唔覺得自己好孤獨，因為我享受

『終於長大』果種感覺。當我以迷茫嘅心態搵緊巴士站出口嘅時候...

『Kelly！』

有人叫我？我左望右望，突然我見到有一個人正行緊過嚟，見到佢，我已經呆咗。佢對我微笑，但我笑唔出。一見到佢，我諗

起好多野，『冷淡』『無視』『已讀不回』，各種總總既回憶，令我情不自禁流咗一滴眼淚。

『Kelly....』

『Hi，點解你會係度嘅？』我強裝咁微笑

『我....接朋友機』

『係咩，咁你朋友呢？』

『佢....』佢望一望後面『um....』

『估唔到我地會係依度見面，咁我唔阻你啦，有機會再見』我再次強顏歡笑

『Kelly！』佢跑到我隔離，搶咗我嘅喺幫我攞住

『其實...我係黎接你機』

『下....』我承認當時我唔識比咩反應，亦唔知講咩好

我地喺無講任何野之下，去咗巴士站

『Wilson，我返大圍』

『我送你返屋企』

果刻我個心好亂，可以話係百感交集，我明明已經忘記咗佢，點解佢會突然出現返，重要係真人見面。我企係佢隔離，一副疑

惑嘅表情望住佢.....

『點解你要咁對我？』

『有車喇，上啦』

佢無視咗我嘅問題，喺車程上，我地一句話都無講過，而我一邊望住窗口，一邊諗緊好多好多野。

『到喇，落車啦』

佢幫我擺下行李，然後佢送到我屋企樓下。

『我到喇』

『咁好啦，我返屋企喇，byebye』佢隨即轉身走人

『Wilson！依家咁早，你應該未食早餐，我屋企人唔係屋企，不如你上嚟，我叫我工人姐姐煮啲嘢你食，當係我多謝你送我返屋企。』

『下...咁呀』

『唔好咁婆媽啦，跟我入嚟喇』

以上嘅野，你覺得會係真？唔好咁天真啦，一個男仔佢無端端唔睬你，你仲會覺得佢會係你唔知嘅情況下比surprise你，仲會

送你返屋企？現實無可能發生，以上橋段若果出現喺劇集亦會比人鬧唔真實。以上嘅情節對話，係我之前仲同Wilson關係好嘅

時候幻想出黎嘅。

果年嘅聖誕，我的確返咗香港。的確自己踏出機場，自己返屋企。我只有3個星期嘅時間，同朋友行街睇戲食飯，真係好開

心。一班好耐無見嘅朋友，重逢嘅感覺係好奇妙，真係好難得大家都無忘記大家。時間淨返一星期，其實我周不時都會留意佢

嘅Facebook，高登嘅狀況。佢果年retake，終於考入到大學，佢聖誕應該會有好多活動，亦都會識到好多朋友，我諗...佢應該

忘記咗我地當初嘅承諾。試問我依啲微不足道嘅人，佢點會記住呢，何況我同佢係素未謀面嘅『朋友』。我，只不過係佢生命

中其中一個過客。喺佢失意嘅時候開解佢，同佢傾計，自問自己只係付出咗少少。佢即使真係忘記我

· 我都唔會怪佢。由此至

終，只有我睇得佢重，連我自己都唔知點解我會咁。當然，依個聖誕假期我無搵過佢。雖然佢曾經成日叫我做傻妹，但我傻唔

晒。既然佢唔搵我，我亦無必要搵佢。去海洋公園，請我食魚蛋，一齊去睇戲，一齊影相，帶我去見識蘭桂坊。

承諾，就在這個聖誕節消失。

第四章：新生活，新開始

三年後，我已經大學畢業。我返到香港繼續追求我嘅夢想。我入咗一間廣告公司做，面對新嘅工作同環境，我就知道我要開始

新嘅里程碑。職場上嘅挑戰，令我人生好充實。不過所面對嘅壓力，亦係我前所未有既辛苦。我係市場部嘅員工，一個禮拜要

OT三四日亦在所難免，何況我係新仔。初初返Office工，我真係唔係好習慣，可能係英國住咗幾年，做嘢既速度真係唔及都市人。有時，我係最後一個人離開公司。話說有一日我又係最後一個離開公司，個lift落到去5樓嘅時候，有個人入咗嚟，我心諗：估唔到有人同我一樣開OT開到咁夜。

佢入到嚟，佢向我點一點頭，當然我都向佢微笑咗一下。

『係呢，之前未見過你嘅？』

『啊，我啱啱入黎做無耐，喺市場部果到咋嘛』

『ohh，你好呀，我叫Kyle，係會計部度做』

『ohh，haha你好，我叫Kelly』

去到公司樓下，大家講完byebye就各自返屋企。

返full time工唔同返part time，至少返part time會有多啲私人時間做自己嘢，可以得閒睇下電視咁，依家嘅我，返屋企只係沖涼，食飯同

訓覺。而第二朝亦要早起身返工。

Katy：『Kelly，麻煩你幫我攤份文件落去會計部』

我：『哦，冇問題』

Katy係我新識嘅朋友，通常食lunch我都會同佢同埋幾個同事一齊食，喺公司，我同佢最熟，佢亦都時常幫我。佢都算係我嘅

上司嘅，因為佢係我果team嘅leader，名義上係marketing manager，而我，就係marketing assis tant。

落到去會計部，咁啱reception果度嘅職員唔知去咗邊，我企咗係果度，手拎住份文件袋，望見啲人各有各忙，好似見唔到我

咁，尷尷尬，我突然間唔知點算。

『Kelly？』

『ohh · Hi Kyle』

『你有事搵我地？』

『啊，係呀，喺，係Katy叫我比你哋』我遞咗份文件袋比Kyle

『ohh唔該晒，依份係咩黎？』

『下...咩黎?其實我都唔知，Katy無講啊，我返上去幫你問下』

『haha，唔駛，你係度打個電話咪得囉』

『啊，係呀可，haha』

點知....原來Katy一早有講，係我無留心聽，返到上去，結果比Katy鬧....

『Kelly，我咪同你講咗果份野係好緊要，要親手交俾羅經理架囉，好彩你問番我果份野係咩黎，如果你隨便比咗一個人，就有機會比隔離team嘅人亂改野，到時份野批唔到你話點算？』

『好對唔住，下次我會留心啲』

『咁份嘢你交咗比邊個？』

『羅經理唔係到，我交咗比Kyle』

『Kyle，佢係負責我地team嘅財政，都還好的，你繼續做野啦』

『嗯』

Katy雖然好照顧我，而我同佢亦都私底下關係唔錯，不過經過我幾日嘅觀察，佢係個公私分明嘅人，雖然比佢鬧我係唔開心，

不過我都明白嘅，係我自己唔留心聽人講野。

OT · OT · OT · 好多時8:00先走得，真係搵錢甚艱難。部lift落到去5樓又停咗，咁啱又撞到Kyle。

『Hi，咁啱嘅，又OT？』

『haha係呀』

『點呀？你果日有無比Katy鬧？』

『下，你又會知嘅？』

『Katy最緊張budget批核嘅野，通常佢都係要自己人親手交比羅經理，你知啦，職場如戰場嘛』

『果日你無出賣我地架可？』

『小姐，係邊個負責管理你果team嘅財政架？』

『haha，又係嗰可』

『你食咗飯未呀？一唔一齊食？』

『好呀！我超肚餓！』

『跟我黎啦，帶你食好野』

佢所講嘅好野，係一間茶餐廳，佢話果度嘅炒野好夠火候，我二話不說即刻嗌咗碟乾炒牛河，而佢嗌咗碟豆腐火腩飯，然後我

地諗住share。

『haha，男人的浪漫』

佢對我笑咗一笑

佢坐喺我隔離，我偷睇到原來佢上緊高登

『啊，原來你係巴打！』

『ha，我都係間唔中先上啫』

『haha咁驚做咩呢，我都係絲打黎架！』

『高登會有絲打？』

『你唔信呀？』

我遞咗我部電話比佢睇，開咗高登個app，點知佢都係唔信，話我肯定係CD - ROM，咁我唯有show我個高登account比佢睇

『haha，原來你叫K婷』

『oh shit！自爆咗添！』

『放心啫，我都唔會將你post上網嘅』

『唔得！咁唔公平！你比返你個account名我睇！』我伸咗隻手出嚟

『你都傻嘅』

『喂呀！講比我知啦！』我嘗試搶佢部電話

『喂！依度大庭廣眾黎架！』佢不斷擺開部電話

『唔比就算！』

見啲野黎咗，我就食野，都費事理佢！醫肚要緊嘛。食完野，我地就各自返屋企，臨走前，我地交換咗電話。

通常一上到車，我最鍾意擺部電話出黎一邊聽歌，一邊上高登。我發現有人PM我，我click入去睇，

係一個叫 無形人 嘅人PM我。

無形人

『估下我係邊個』

K婷

『唔駛估都知你係Kyle啦！』

返到屋企，沖完涼，臨訓前再睇一睇高登，又有PM。

無形人

『Kyle？邊個黎架？』

K婷

『咪扮曬野啦！聽朝返工見啦，早抖！』

第五篇：曖昧

依家周不時一放完OT，如果咁啱撞到Kyle嘅話，我地都會一齊食飯先各自返屋企。不過後尾，我地就變咗問對方幾時先放

工，或者要唔要開OT。好似whatsapp依啲apps真係好偉大，佢的確能夠打破人與人之間嘅隔膜，亦能夠令你有勇氣講出平時

面對面唔會夠膽講嘅嘢。

你今晚要開OT嗎？

唉...要呀

開到幾點？開完一唔一齊
食野？

喂，好嗎！不過睇怕今晚
無8點走唔甩

我都差唔多啦，8點樓下等

我食到果間野厭啦，你有無第二間
好介紹呀？

放心，實有！

今日呢？要開OT嗎？

終於唔使！難得Katy近排唔係比
好多野我做，你呢？

近月底呀，超多數要處理
唔OT唔得

係嗎！辛苦晒！

好心你叫下Katy唔好咁搏啦
佢成日搵埋咁多廣告客，你
地辛苦之餘，我都辛苦架！

haha，點得架，見你咁慘，陣間
放工買個飯盒比你喇

係至好！

絕不走數！

不知不覺，我同Kyle變咗好朋友咁滯，有時同佢食飯，會講下公司同事嘅是非，又會討論下一啲高登故嘅劇情，最好嘅係，有

時我啲friend冇時間陪我，我就會搵佢。

我依個weekend想睇Stephy最新果套戲，
但係我啲friend唔得閒，Katy又要陪
男朋友，你可唔可以陪我睇？

星期日？我OK嘅

噲，約實你架啦，咁放我飛機嗰

得啦，無問題

我都係買定飛先，到時你唔得閒，
我都要逼你嚟！

使乜咁緊張呢？

有Stephy呀！下個星期三落畫啦，而且
我得星期日得閒

下，乜你係Stephy fans

我唔信你中學時期無當佢係女神！

咁你又知？

當然！

星期日果日，我同Kyle就去咗沙田新城市果個戲院睇。Kyle一身坤哥look，背住個背囊。

『haha，你做咩背住個背囊，你陣間有地方要去咩』

『唔係呀』

『唔好話我聽，你裡面裝咗件襖，紙巾，同埋野飲』

『嘩，乜你有透視眼架？』

『行啦！坤哥！』

點解我會知佢個背囊有咩？話說高登仔成日開post問：死啦，聽日同女神去海洋公園，我應該帶啲乜？或者，聽日同個女仔睇

戲，我應該要做啲乜？帶啲咩？之後一大班高登仔就會寫出一份『與女神睇戲須知』。睇怕，Kyle佢應該都係睇咗依啲post。

入到去，Kyle比咗支檸檬茶我飲。套戲講到中間，我突然覺得有啲凍，諗住Kyle可能會比佢件襖我著

· 後尾我見佢擺咗件衫出

嚟，原來係佢自己著:O)睇到劇情差唔多最後，我終於忍唔住，因為Stephy比人拋棄，我覺得佢好慘，所以我喊咗。我不斷用

手袖抹眼淚，依個時候Kyle遞咗張紙巾比我，不過無意中比我睇到佢竟然又有流眼淚。一個男人睇戲流眼淚都有嘅！睇完戲，

佢比我笑到唔肯睬我。佢份人真搞笑。

有一日食lunch，Katy問我放工去唔去飲杯野，我答應咗。放工後，我同Katy連埋另外2位女同事一齊。3個女人一個墟，講嘅

話題離不開情情愛愛同是非。Katy同佢男朋友不辦都恩愛，依樣野大家都知。Ada就不斷數佢男朋友嘅壞處，話佢成日掛住打

機，又唔理佢咁。佢每次數佢男朋友嘅野都不外乎依2個，佢講唔厭，我都聽到厭。反正係佢嘅字句之間就係向我炫耀佢有男

朋友，而我連男朋友都無。Jessica，正宗港女兼情場殺手，佢成日教我點溝仔，點樣可以玩到啲仔氹氹轉，不過可惜，佢有

嘅係本錢，我有嘅係銀包。銀包再多錢，都只不過係毫子。無辦法，佢永遠講嘅野我都係左耳入右耳出。

Katy：『喂！聽講你最近同Kyle行得好埋啲』

『咩啫，咪多得你成日比咁多野我做囉！差唔多晚晚都要開OT』

Ada：『開OT關Kyle咩事呢？』

Jessica：『唔使問都知Kyle追緊你啦，係咪先？』

Katy：『哦！有野唔同姊妹講！』

『成日開OT，走果時就見到佢，之後咪多咗同佢一齊食飯囉』

Katy：『咁上次你明明已經放咗工，點解我喺公司樓下見到你擺住個飯盒呢』

『Kyle向我投訴話點解你要咁chur不斷搵客呀，佢話處理啲數做到死，我見佢咁可憐，咪買飯盒比佢食囉！』

Jessica：『喂！你有無聽我教你嘅野架！佢未對你好之前，咪幫佢做依樣果樣呀，都時佢到手，佢食住你都似！』

『咩啲，我有話鍾意佢咩，朋友咋嘛』

Ada：『睇下你，同佢一齊你實嗒晒糖啦，係就去馬啦，Kyle佢ok啦』

Katy：『話時話，佢有無女朋友架？』

Jessica：『有女朋友又點？男未婚女未嫁，有乜所謂』

Katy：『咪教壞Kelly啦！』

Ada：『拍拖都係講求擺經驗，唔駛咁快講將來點嘅，佢真係追你嘅，你咪應承囉！』

『佢真係鍾意我先算啦』

Jessica：『我無睇錯，佢應該鍾意你』

Katy：『Jessica對男仔嘅舉動一目了然，今次就信下佢啦』

『唉，唔知呀！』

第六章：表白

作為一個女仔，你會想人地用咩方式向你表明心意？經過韓劇嘅荼毒，唔少女仔會想要一個浪漫嘅表白，仲要有心思嘅策劃，

為求與眾不同。起碼，同friend開心share嘅時候，可以望多啲人地羨慕嘅眼光。奈何現實中，有啲男仔真係求其一句『可唔可

以做我女朋友』就算。不過你仍然都要接受，鬼叫你鍾意佢咩！想行拖字訣？到時人地唔再搵你真係唔好喊。

Kelly, 今次到你陪我睇
變形金剛，可以嗎？

變形金剛？ok嘅

你唔想睇？

下，唔係呀，你想睇我陪你睇囉
你買定飛啦

ok！冇問題！

變形金剛，我都無睇開，見係佢，我先陪佢睇。今次佢轉咗look，再唔係坤哥。兩袖清風，著住件恤衫配件冷衫，見到佢喺電

影院門口，一隻手插袋，一隻手睇電話。話型稱不上型，反正是比佢吸引到少少。睇戲過程無特別，見佢咁應該都無衫比我

著，唯有一路睇，一路右手搭左手。睇完戲，佢提議出去沙田公園行一陣。一出到外面，熱氣馬上包圍住成身，佢馬上除咗件

冷衫。

『um....好唔好以放落你個袋到？』

『哦』

『um....今日我無帶袋，啲野放喺個褲袋到好唔舒服，可唔可以...』

Jessica：『唔可以！』

我：『咦，Jessica，點解你會係到？』

Jessica：『咁點解你地2個夠會一齊既，huh？Kelly？』佢碰到埋黎，我都唔知點答佢

Jessica：『唔講啦，我要同我honey睇戲，bye！』

Jessica走到Kyle面前，指住佢：『咪蝦Kelly！』

依個時候，我同Kyle對望，都唔知係好笑定點。

『點呀？你係咪仲有野想擺我度？』

『啊，小野啫，唔緊要』

我同Kyle行到一個涼亭，我地就坐低傾偈

原來Kyle只係大我兩歲，佢入咗公司做先一年，佢係獨生子，阿爸做生意，所以細細個佢迫住要學會計，不過大個咗，佢死都

唔繼續喺佢阿爸間公司做，話無挑戰性啲。我同佢講開我屋企嘅事，我緊係同佢講我係乖乖女啦，我話屋企人好錫我，所以我

唯有做乖乖女報答佢地。當初我要去英國讀書，係我屋企人主意，我係唔想離開香港，不過我知佢地係為我好，因為佢地話外

國讀書又點好點好，咁我唯有聽佢地講。

依個時候，佢掂我隻耳仔，嚇到我即刻縮一縮

『依啲係叫耳仔軟，就算要做乖乖女都唔一定要聽晒父母話嘅，我阿爸要我學做會計師將來幫佢手，ok！我答應，不過唔係長做囉，喺佢公司做咗半年，我就想自己出去搵野做』

『有錢仔，留係公司幫阿爸手唔好咩』

『有咩錢，公司仔一個』

講下講下，已經接近黃昏，佢話送我返屋企。之後，過咗一段時間，我收到佢嘅whatsapp

做緊咩呀？

無呀，睇緊書，你返到屋企未呀？

啱啱返到就whatsapp你喇

haha, 掛住我?

oh shit (cover my eyes icon)

haha

其實我呢... 講笑, 唔好介懷

如果真係掛住你呢?

um.....

其實...我鍾意你, 可唔可以
做我女朋友?

唔知呢, 見到面再答你

嘻嘻, 你係啱咩係應承呀?

鬼有!

:(

:D

第二日放工, 我同Kyle都唔使開OT, 佢話要送我返屋企。唔知點解今次大家都尷尬尷尬咁, 又無乜點傾計。到咗屋企樓下....

『我...到喇』

『哦』

『bye bye』

『Kelly!』

『你...有野想同我講?』

『Kelly, 你可唔可以做我女朋友?』佢面紅紅咁, 真係好得意

『um... 咁你鍾意我啲咩?』

『唔知, 我覺得你好好』

『唔知?』我即刻扁嘴

『啊, 唔係呀, 我都唔知點講, 反正我係鍾意你』

『真係？』

『嗯』

『um...不如...』

其實我未講，佢已經好似知道我講咩咁，已經開始sad sad地，正常人一聽到不如都知發生咩事啦，不過其實我只係玩下佢。

依個時候我錫佢塊面一啖，之後即刻飄入大堂門口

返到屋企，我whatsapp佢『我都鍾意你』

第七章：熱戀期

從果日開始，Kyle每晚都會等埋我一齊放工，然後送我返屋企。放假嘅時候，得閒睇下戲，行下街，之後一齊拖住手仔返屋

企。基本上，同一般情侶無乜分別。Kyle佢好就我，而且佢都好容易話為，所以我地好少意見不合同鬧交。特別傾到香港社會

及政治問題嘅時候，我同佢都係企喺同一陣線，係咁鬧政府。七一遊行，我地2個會手拖手一齊同其他市民步行去政府總部。

佢好照顧我，周不時幫我抹汗，又遞水我飲。我有依個男朋友，我真係覺得自己好幸福。我覺得，最慘嘅時刻就係每次佢送完我返屋企，

我都會好唔捨得佢。每次臨走前攬一攬，我都超唔想鬆手，奈何總要有一個人做決絕果個。好多時，都係Kyle要慢慢拎開我隻手，

然後錫我一啖，然後話『返到屋企即刻call你』。佢總係要睇住我入lift佢先安樂，而佢永遠都唔會知道每次我係lift入面都扁晒嘴。

返到屋企，我次次都要擺部手機出嚟睇我地當日嘅合照，睹物思人。

重睇message亦都係我每日臨訓前嘅指定動作，基於我同Kyle喺返工嘅時候都唔可以傾電話，咁唯有whatsapp對方，有時我

地啲對話幾搞笑，我同佢就最鍾意玩角色扮演。

皇上，你日理萬機，
等臣妾為你按摩

有勞愛妃

舒服嗎？

嗯，左啲，下啲，係，
右少少，再下少少

皇上，你真難服侍

愛妃，你豈能咁話朕嘅呢？

臣妾只跟皇上開玩笑，
請皇上息怒

無事無事，愛妃永遠係
朕最愛嘅人

Kyle自己一個人住，自從我去過佢屋企之後，我就成日賴死唔走，每次都好想喺佢屋企過一晚夜。有一日，食完Kyle煮嘅飯，

我就走咗去佢間床....

『喂！污糟邋邋走上我張床架』

『唔，我好眼瞓呀』

『你隻野，又唔想返屋企！』

『我好唔舒服呀，你比我喺度抖下就無事架啦』

『抖幾耐先？』

『um....一晚就夠！』

『唉，無你咁好氣，喺！至許一次咋！』

『喺！你話架！』我即刻彈起床

『哦！都話你扮晒野架啦！』

『呀，個肚好痛呀，我好唔舒服呀』我即刻扮掩住個肚

依個時候Kyle攞住我：『依家仲痛唔痛先？』

『hehe，唔痛lu』

Kyle佢實在唔忍心見到我因為佢唔比我留夜而唔開心，所以佢決定比我每星期留一晚夜。

第八章：你是誰？

某一晚，我留喺Kyle屋企過夜，大家沖完涼就上床。佢從後面攬住我，然後傾計。我提議不如上高登睇野，之後kyle擺咗佢部

laptop上床，然後大家一齊睇。其中一個post嘅標題係『“集思廣益”我激嬲咗女友，點先氹返佢』。Kyle問我依條問題，話如

果佢激嬲我，咁佢應該點做，之後我答佢，買花無誠意，最好係親手做特別嘅野，例如相冊等等。之後佢拖到網頁最下，然後

完完整整將我講嘅野一字不漏打出嚟。

快速回覆 - 輸入以下項目	
您的名字:	會計仔
主旨:	『集思廣益』我激嬲咗女友，點先氹返佢？
內文:	<p>請善用Bookmark「留名」功能，謝謝。</p> <p>買花無誠意，最好係親手做特別嘅野，例如相冊等等;-)</p>
插入表情圖示:	
預覽:	買花無誠意，最好係親手做特別嘅野，例如相冊等等😊

依個時候我發現咗啲野.....

『你叫會計仔？』我即刻望住Kyle

『係呀，做咩？個名唔好咩？』

『咁你有無改過名？』

『無呀，做咩咁問？』

我回想起有一日有人PM我，叫我估下佢係邊個，我仲以為係Kyle，唔怪得知佢問返我Kyle係邊個啦。

我即刻用Kyle部電腦上我嘅account，搵入私人訊息個制

『無形人？邊個黎架？』 Kyle問

我click返入去睇

『我都唔知，果時我仲以為係你添』

『肯定係啲高登仔見你係絲打，所以撩你喇』

『係掛』

不過...直覺話比我知，依個人應該係識我，佢究竟係邊個？

第九章：在地下鐵碰著他

『Kelly，你係邊呀？』

『Kyle？我依家先喺太子站等緊火車咋，死啦，實遲到啦，死人港鐵！偏偏朝早先嚟壞車！』

『你出地面搭的士啦，咁搞法你果每個月\$300bonus就無架喇』
(公司新例：無遲到，\$300獎賞)

『我夠知咯，不過依家肯定出面大把入等緊的士，輪得嚟，都通返車喇』

『使唔駛我喺車站等埋你先一齊上去呀？』

『唔駛喇，我唔想連你果\$300都無埋。啊！好痛呀！』我比人撞一撞

『咩事呀！你整到呀？』

『嘩，痛死啦，唔係呀，頭先有個男人行得好急，撞到我隻手啫』

我一路夾住電話一路按我個手臂

咦，地下有袋野嘅？我好奇睇一睇，入面有個深寶藍色嘅禮品盒，另有一張咭片，um.....

應該係頭先果位先生跌咗，公關助理 王偉廉，我係咪應該call返佢呢？不過都係等陣先。

返到去公司樓下，原來Kyle等緊我

『傻瓜，做咩等埋我先上去啫，你睇下，遲咗10分鐘啦』

『你傻都未到我傻呀，我打咗卡，先落嚟接你嘅』

『係咩，快d行啦咁，嘻嘻』我一路行一路推Kyle

同Kyle一個深情嘅吻別，我就繼續搭lift返office。啱啱埋位無耐，就比Katy召去開會

Katy：『嚟緊有大客，需要商場搞function，整banner，錄一個15分鐘嘅微電影，今次係sell運動，依到係客嘅要求，時間為1個月.....』心諗：唉....又要開OT

喂，你就嚟生日喇嗎，
想點慶祝呀？

食龍肉都無用，
果日想唔開OT都難:(

我地黎個OT party
好嗎？

得我回你？

當然！

嘻嘻:D

一齊黎個食飯盒嘅party

唔得，我要surprise！

你地d女人仔咁鍾意surprise嘅

你地d男人仔咁鍾意打機嘅？

我愛你呀

我同你阿媽跌咗落水你救邊個？

當然係你

咁你阿媽呢？

佢細個游水擲過獎牌架

三三

暴風雨嘅前夕總係風平浪靜，就好

似我依家咁，輕輕鬆鬆喺茶水間沖杯咖啡，坐係張凳度小休10分鐘。不過，聽日開始就要

跟個大project，想9：00前返到屋企根本無可能。

Katy：『就比你嘆埋今日啦，往後有排你捱，你份job真正嘅挑戰聽日先開始』啱啱走入茶水間

我：『我已經入咗嚟依間公司一段日子，你覺得我做成點呀？』

Katy：『做咩咁問？你想轉工呀？』

我：『唔係，問下啫，我總係覺得我好似冇乜付出過啲乜咁』

Katy：『付出咗你唔知啫，無咗少少嘅付出，根本無可能成事，係咪？』

我：『唔，你都幾有道理』

Katy：『喂，你就嚟生日喇啎，想點慶祝先？』

Jessica：『傾緊咩，又唔預我』

Jessica 同Ada都走埋入嚟

Katy：『Kelly仲有幾日就生日啦，咪問下佢想點慶祝囉』

Ada：『正日緊係要同Kyle一齊架啦』

我：『果日我實要開OT啦』我一副扁晒嘴嘅樣『不過Kyle話佢會陪我』

Jessica：『某人識做啦』我地3個都齊齊望住Katy

Katy：『噏，我公私分明架，果日做唔晒唔准走，最多比少啲野你做』

我：『嘻嘻，果然係好姊妹』

Katy：『當然，咁啲野分比依2隻野多啲啦』

Ada：『我地都係好姊妹啎』Jessica係咁點頭：『係囉係囉』

Katy：『你地都係好員工！』一路奸笑一路講

Ada：『咁你想我地點同你慶祝先？』

Jessica：『等我帶你去新嘅酒吧慶祝一番啦，到時嚟個 table for six，正！一於咁話啦下』

Katy：『Table for six，你自己1對5啦！不過幾時去慶祝先？』

Jessica：『咁咪前一日囉』

Katy放生我，生日果日
可能唔駛開OT:D

咁果日我book定餐廳
回你慶祝

好呀，我要去鍾俊喜餐廳

喂！唔好借啲意嗶
你隻衰豬！

好啦好啦，我果日生日呀
比多一日我訓你屋企啦

咁你想食咩呀？

嘻嘻，你知架

果袋野，我好自然放咗落櫃入面，我已經忘記咗我要聯絡張卡片嘅人。放工後，就由佢喺櫃入面。正確啲黎講，當時嘅我已經

忘記佢嘅存在。當然，我一曰唔開果個櫃，我就唔會記得。對我無關痛癢嘅事，我想記都記唔嚟。不過，對我刻骨銘心嘅事，

我想忘記都忘記唔到。

第十章：為何是他（1）

由細到大，都係屋企人同我過生日食蛋糕，啲friend最多都係出去飲杯野，食餐飯，當係陪我慶祝。直至識到Katy·Ada·

Jessica，我先真正知道邊啲先係真正嘅朋友，佢地對我嘅關懷，令我終於感受到朋友嘅重要性。知道我就嚟生日，佢地都願

意拋低男朋友而陪我依個唔係識咗好耐嘅朋友，果然我地真係好姊妹！

Jessica

星期日，中環地鐵站等！

Katy

無問題！

真係去蘭桂坊架？
我之前未去過，
依家有啲興奮添

Ada

得，果日見啦！
btw，你係英國無落過
依啲類似嘅地方架咩？

邊敢自己去呀

Katy

你放心，我地唔會教壞你嘅，
不過Jessica就好難講lu

Jessica

喂！我依啲叫教精佢！
你估依個世界得Kyle一個咩
識多幾個無壞嘅，唔啱咪唔
好理佢囉

haha，總之你地個個
對我都好仔嘞

Kyle，今個禮拜日夜晚
我陪唔到你喇，Katy佢地
陪我慶祝生日

唔緊要，去過度慶祝呀？

蘭桂坊新開嘅bar

ohh，原來係去瀟仔

喂！乜你咁講我架

講笑啫，咁你地玩得開心啲啦

嗯，咁你諗定第二日
煮咩餸啦

諗好啦客人！

好！錫晒你kiss*

咁你諗住點慰勞我依個大廚先？

本小姐將會陪你過渡一晚！

係我陪你咋掛

嘻嘻kiss*

難得有好姊妹同我慶祝生日，我當然要揀套靚衫去，何況落蘭桂坊係咪唔應該著得咁普通呢？露胸露腰免談，著條新買嘅洋裙

就最適合不過，裙嘅長度去到大髀中間，圓領無袖，深寶藍色做底配以淺色嘅印花，沿住條領縫條厘士邊帶有些少吊墜，猶如

一條頸鏈。去到地鐵站，Katy同Jessica都對我條裙讚不絕口。

我：『係呢，唔見Ada嘅？』

Katy：『個衰妹唔知做咩，琴晚返到屋企開始 fe li fei lei，又不斷咁嘔，今朝帶咗佢睇醫生，咁我咪叫佢留喺屋企抖下囉』

(話說Katy同Ada係一齊住)

Jessica：『佢一個人喺屋企得唔得架，會唔會突然暈咗無人知？』

Katy：『我打過比佢男朋友，叫佢嚟照顧Ada架啦』

我：『咁都好啲，又會無端端病成咁嘅』

Jessica：『佢不嬲身子弱架啦！』

星期日嘅夜晚，條街固然熱鬧多人，依條街果然吸引到唔少旅客，港女最鍾意嘅鬼仔亦多不勝數，睇慣鬼佬嘅我對佢地毫無感

覺，可惜。話說電視劇集上見得最多嘅醉酒佬，反而我見唔到，但係網上傳言嘅蘭桂坊靚仔靚女多的確係事實。Jessica所講

嘅bar，我地亦已經去到。星期日，啲位爆晒亦在所難免.....

Katy：『不如去第二間啦，依到都爆晒』

Jessica：『度度都係咁架啦，睇多陣先』

Katy：『我同Kelly喺門口等你，你自己入去慢慢睇』

Jessica：『係你地驚多人咋話，睇咪睇！』

Katy：『你想唔想喺依度呀？唔想嘅可以去第二度睇下』

我：『唔緊要啦，如果有位咪坐囉，費事掃Jessica興啦，佢想喺依度嘛』

依個時候，Jessica喺遠處揮手叫我地入去

Jessica：『入面有張長枱，3個男仔，坐淨3個位，啱啱好table for six』一路講，一路繞住我隻手

我：『下，搭枱？』

Katy：『咪嚇Kelly啦，咩table for six啫』

Jessica：『無野架，行啦，當係識多個朋友囉』

行到去，果3個男仔望過嚟，其實我有啲驚，其中2個好熱情咁say Hi，另外一個話怕醜又唔係，只係無咁熱情。佢地都係啱啱

坐落無耐，Jessica最鐘意識仔，一開口就自我介紹，跟住問佢地叫咩名。

『我叫Kenneth，依張係我卡片』分別遞比我地3個

『我叫Martin，我地3個都係同一間公司到做』同樣分別遞比我地3個

『我係Wilson，不過我身上得一張卡片』

佢遞咗比Jessica，因為咁啱Jessica坐喺佢對面

Jessica：『公關助理 王偉廉，你地都喺廣告公司做？我地都係啲』

Martin：『係？你地邊間？』

當Jessica同佢地傾緊偈嘅時候，我忽然諗起啲野，“公關助理 王偉廉”.....總覺得好似邊度聽過咁，突然間果日喺地鐵站比人撞

到嘅情景出現喺腦海之中，久而久之諗起果個袋，一個我遺忘咗嘅袋。果刻，我即刻二話不說越過Katy嘅身，喺Jessica手中

搶走張卡片，我再望一望，果然係同一張卡，果時成枱人都比我嘅行為嚇親，我擘大隻眼望住Wilson.....

『你係咪跌咗袋野？』

依個時候Wilson好驚訝咁話『係呀！』

言談之中，Wilson話果袋野係準備比客，如果搵唔返佢要自己出錢買過個，Kenneth同Martin都話佢好好彩，我都估唔到竟然

會比我撞返失物嘅主人。我同Wilson講，袋野我擺咗喺公司，之後我同佢約定聽日放lunch時間喺我公司樓下比返佢。件事擾

攘咗一陣，Katy講返其實嚟係要幫我慶祝生日，Jessica都差啲忘記，當然我都係。我地各自啖咗杯野飲，點咗啲小食，仲買

咗個蛋糕一齊食。第一次嚟蘭桂坊，估唔到咁快就識到人，仲要同我慶祝生日，真係份外開心。Jessica同佢哋好好傾，Katy

間唔中都講埋一份，我同果個Wilson就最靜，比較少出聲。不過話時話，果刻真係唔知點解果個Wilson有啲面善，好似唔知邊

度見過咁，但係又諗唔出.....快樂不知時日過，大家傾到11點幾就散band，果個Kenneth仲話有機會再約埋一齊。

第十章：為何是他（2）

第二日我生日，一大朝早有人送花比我，唔駛睇張卡都知係Kyle送比我，雖然個個女同事都好羨慕我，不過就搞到我有啲尷尬。

，忍唔住text比Kyle問佢點解咁張揚。

喂呀，咁張揚架你，仲要
送嚟公司！

咁你鍾唔鍾意先

當然鍾意，你係第一個送花
比我嘅男仔，多謝你kiss*
我好開心

今晚你仲開心！

係喇架？我好期待啊

今晚等埋你一齊返屋企！

你緊係要啦！

到咗放lunch時間，Wilson text我話已經到咗我公司樓下，落到去，我行到佢身邊，原來佢準備call我，之後我掂咗一下佢膊

頭，喂咗一聲，之後比返袋野佢。佢好開心咁接過。

『係呢，唔知點解見到你都覺得好面善，上次又係咁』

『係咩，咁啱我又自從上次見到你之後，返到屋企我都係咁諗邊度見過你』

果時Wilson著住套西裝，果次係我第一次近距離望佢個樣，突然....我諗起一個人。想當年我同果個人喺Line嘅談話記錄我一直

都無delete過，就算換咗新電話，我都習慣會back up返所有記錄。雖然我唔希望面前嘅Wilson真係Wilson，但我決定開咗Line

嘅談話記錄，之後攤比我面前嘅Wilson睇。比佢睇果一刻唔知點解我個心係咁跳得好犀利，佢接過電話，不斷loop下，越loop

越快，佢突然呆咗望住我。

『機緣巧合，估唔到我地會係真實世界見面』當時我不知所措，冷冷淡淡咁講

『係，又會咁啱』

『點解你突然間唔再搵我？』

『我近排有搵返你』

『上次喺bar見到面唔算搵返我』

『唔係，喺高登，我PM過你.....無形人』

『原來係你....』

『咁多年，幾好嗎？』

『你對我嘅承諾一樣都無兌現，我唔會原諒你』

講完，我即轉身返公司

第十一章：珍惜眼前的他

謎底終解開，無形人是Wilson，撞我的是Wilson，王偉廉是Wilson，剛才的Wilson是Wilson。承諾對我黎講的確好重要，你突

然間唔再回應我，係我同你之間無法再做朋友嘅致命點，以致承諾一同消失。剛才所發生嘅情景再次令我勾起傷心嘅回憶，一

個連我自己都無法理解嘅回憶。原來這個回憶成為了我人生之中其中一個烙印，一個真相令這個回憶從深底處再次勾起。

我返到屬於我嘅座位，望住空無一人嘅office，突然有一種『個天想玩我』嘅諗法，過去已成過去，點解偏偏要比我遇見佢，

仲要係真實世界相見。奇怪嘅係自己好介懷依段短短只發生一個月嘅回憶。或者，當初係我好著緊我同佢嘅一段網友關係，之

後將果個著緊嘅感覺延伸到依家。雙眼慢慢移去左邊，望到今朝Kyle送我嘅花，霎時將我回復狀態。無錯，Kyle係我嘅現在，

一個我依家深愛嘅男人，望住扎花，我不禁甜甜咁笑起嚟。

依個時候，我聽到腳步聲，我覺得好奇怪，明明啲同事未到最後一分鐘都唔會返嚟office。我望去門口，喺我驚緊會唔會係老

闆返咗嚟嘅時候.....原來係Kyle。

『原來你真係喺度』 Kyle一步一步行近我依邊

『你點解會上嚟嘅？』

『我唔見你喺canteen，咪諗到你依個傻妹又唔食野囉』

Kyle摸摸我個肚：『咁我依家餵飽依到先』

佢上嚟嘅時候帶咗個外賣，我打開飯盒，係我最鍾意食嘅海鮮伊麵，仲有一杯凍檸茶。Kyle拎咗張凳坐喺我隔離，含情脈脈咁

望住我食。距離完lunch嘅時間得返10分鐘，我即刻趕Kyle走，費事同事見到尷尬。Kyle

臨走前講咗一句『放工上嚟接你』。依句話成為我下午嘅精神支柱，我分分秒秒都好比心機去做Kat y assign咗比我嘅工作，

務求能夠準時放工，之後同Kyle拖手仔返佢屋企慶祝我嘅生日。

不過我嘅能力始終有限，時間已到6：45pm，仲有2份文件未打，我見到Kyle已經企喺門口，佢用口

形講『做完未』，我唯有

好sad咁擰頭。

Ada依個時候行到我身邊：『得啦，等我同Jessica搞掂佢，2份野啫，一人一份好快搞掂，你走啦』

聽到依句，我好感動，我感動到即刻捉住佢塊面錫咗一啖，然後又走到Jessica身邊獻佢一個吻。我擺起手袋，一支箭咁飛向

Kyle投入佢嘅懷抱，極速同佢咀咗一啖就拉住佢轉身快快走人。

Kyle屋企好近公司，搭地鐵2個站就到。返到去，Kyle已經急不及待攞到我實一實

Kyle錫我一啖之後，就去廚房準備晚餐，我嘅Kyle嘅床休息咗陣就去沖涼。

我出返廳嘅時候，枱上已經擺好食物，Kyle正在為蠟燭點火，然後邀請我行過去。Kyle為我準

備我最鍾意食嘅牛仔骨同埋佢拿手嘅意大利粉，碟嘅一邊亦放咗一小份糧嘅薯蓉。第一次同愛人慶祝生日，我真係過得好開

心。食完後，我地就好似一對小夫妻，我負責洗碗，而Kyle就負責清潔張枱同抹乾淨嘅碗然後放喺櫃入面。Kyle沖完涼入房，

佢立即撲向黎錫我，不過大家做咗成日野已經好劬，Kyle從後攞住我睇咗陣電視，之後我地就熄燈相擁而睡。

唔知點解，半夜我突然醒咗，我發現Kyle唔喺我身邊。我出到廳，我發現Kyle傾緊電話，佢鬼鬼祟祟縮埋一邊咁講，我無特別

留意佢講咩，我怕佢知道我起咗身，所以我即刻返房繼續訓覺。

第十二章：你在哪？

朝早訓醒，我特意較鬧鐘到6：30起身整早餐同Kyle一齊食。太陽嘅光線穿過灰色窗簾布，示意我又係一個好日子嘅來臨。我

轉身到右邊，諗住撲上Kyle嘅身送佢一個morning kiss嘅時候，我發現床嘅另一邊係空。我即刻起身出廳，走到廁所，走到雜

物房，走到廚房，都唔見Kyle嘅蹤影。茫茫之際，潛意識話我聽叫我即刻返到房擺電話，然後call Kyle。

“電話暫時未能接通，請遲啲再打過嚟.....”

Kyle嘅電話無開，我擔心佢有咩事，我就好似尋找失物一樣，走過全屋，甚至連衣櫃都搵埋。我企喺廳到，個心跳得好快，總

係有不祥預感。我諗住call 榮仔，佢係同Kyle最熟嘅同事，不過我見到咁早有人whatsapp我，我開嚟睇.....

Kelly，我有嘞事要離開香港，
後日我會返嚟，唔駛擔心，
唔該幫我請3日假

究竟咩事離開得咁
突然呀？今朝唔見你
直係嚇死我呀！

佢無即時覆我，最後佢嘅上線時間正正就係6：30am，如果我當時起身即刻睇電話嘅話，或者我仲可以搵到Kyle。返到公司，

我即刻幫Kyle入紙請假，原因果欄.....我唔知寫咩好，唯有寫『私人理由』。行返埋位嘅時候，Jessica同Ada即刻撲埋嚟.....

『點啫，琴晚好唔好玩呀？』

『係囉係囉，喺Kyle屋企訓bor，實必有損失啦』

『琴日幫你頂果2份嘢，算係唔話得啦掛』

『咪係，我地琴日9：30pm先走人呀』

我苦笑咗一下，佢地一輪嘴咁我已經分唔清邊個講邊句，只係講咗句

『真係唔該晒你地，琴日幾好，我好開心』

係就係開心，不過只限琴日，凌晨12：00過後已經完全改變。

Jessica：『點啫，琴晚有無咩咩呀？』

我：『哈，唔知呢』

Ada：『你睇佢怕怕醜醜嘅樣就知啦』

怕醜？或者表面睇落係嘅，不過內心嘅我仲係好擔心Kyle，唔知佢發生咩事。琴晚嘅開心已經被今日嘅擔心掩沒。唔知點解，

我有種感覺，我發覺我對Kyle嘅身邊事還存在好多不知情，包括佢屋企嘅事。只能夠話佢有爸爸媽媽，屋企人做生意，佢係獨

生子。That's it.

佢屋企人住邊我都唔知，所以我未拜訪過佢父母，或者Kyle覺得未係時候。面對一大堆嘅工作，我已經無琴日嘅果份魄力去

做，因為我已經無推動力，Kyle嘅突然離開更加係阻礙我迅速工作嘅因素。

中午嘅時候，我同Jessica佢地一齊落canteen食飯。我無胃口，買咗份salad就坐低等佢地。

Katy：『做咩今日冇乜精神嘅你，琴晚玩得好夜呀你？』 Katy買完午餐就走過嚟坐低

我：『哈，無』

Jessica依個時候好快咁走過嚟，一坐低就不停咁問我

『喂，榮仔佢地頭先話Kyle今日無返啲，搞咩嚟呀你地？琴晚你地玩到high咗玩到病呀？』

Katy：『唔怪得知今日你無乜精神啦』

我：『唔係呀，Kyle佢今朝無端端唔見咗，佢whatsapp我話有事要離開香港，後日返』

隨即我遞個whatsapp比佢地睇

Ada：『又會咁突然嘅』

Jessica：『有古怪！Kyle實有野瞞住你！』

Katy：『係咪佢屋企人冇事呀，佢父母好似係喺溫哥華度住架bor』

我：『係咩？』

Ada：『你係佢女朋友佢都無話你知？』

我：『可能我無問所以佢都無講掛』

Jessica：『總之睇定啲你個Kyle啦，你地識咗咁耐連依啲野都無話你知，都唔知佢有無當你係長期女朋友添呀』

Katy：『你陣係識嚇Kelly！』

Jessica：『不過我見過咁多仔，Kyle應該ok嘅，睇佢應該唔似係玩弄感情嘅人，應該無事嘅』

Ada：『邊個無(帽)先？無定帽？』

我：『一定係無！』我好堅決咁講

Katy：『我都覺一定係無』

Ada：『啫係邊個無(帽)呀？』

Jessica：『咪無囉！』

Ada：『咁你嘅無(帽)係咪佢指嘅無(帽)先』佢指住我

Katy：『唔好嘈！總之就係無啦！』

氣氛突然停頓，之後大家都忍唔住笑咗出嚟。

開心嘅背後只不過係一笑置之，笑完又係返office帶著沉重嘅心情做野。做得我依份工真係預咗成日要開OT，有時真係有開OT

嘅好處，寄情於工作，免得返到屋企胡思亂想，用工作嚟麻醉自己的確能夠減輕對Kyle嘅思念。6：30pm，公司嘅人走咗，

7：00pm，餘下嘅人走淨一半，7：45pm，Katy Ada Jessica都走埋，8：00pm，正式得反我一個。

其實所剩低嘅工作已經完成得七七八八，要走亦都可以，不過我又真係唔想返屋企住。喺office坐，發下咩啞，雖然燈光已經

熄咗一大半，但係我又唔會驚，應該係話唔識驚。係我發下咩啞，諗緊啲人生嘅嘢，我個電話突然響起。

Private call

通常依啲電話都係玩人，所以我唔會聽。電話突然間又響，不過係whatsapp來信息嘅聲，我由上面推下個mon，原來係Kyle。

做咩唔聽我電話呀？

sorry呀，我以為係玩電話
可唔可以call多次嚟，我好
擔心你呀！

電話已再次響起....

『喂，Kyle，你去咗邊呀！』

『唔駛擔心我，屋企人有啲事啫，對唔住呀，要你擔心我』

『訓醒突然間唔見你，搵勻全屋又唔見你，幾驚你無端端會離開我，你會返黎架可？』

『當然，後日嘛，無事嘅，我返黎再同你傾，電話費貴呀』

『好喇，咁你小心啲啦啎，bye bye』

『bye bye』

我唔捨得cut Kyle線，唯有等佢cut.....

『Kelly？』

『Kyle』

『做咩唔cut 線呀？』

『你cut線啦，我唔捨得cut』

『咁好啦，返咗屋企未呀你？』

『未呀，仲喺公司』

『好夜喇啎，得你一個？』

『係呀，我就走架喇』

『記住搭的士走呀，依家咁夜，又無人送你返去』

『得架喇，你收線啦，電話費好貴架』

『咁你返到屋企whatsapp我喇啎』

『嗯，byebye』

『bye bye』

唔好意思，由於依幾日我有啲事，心情唔係幾好，所以無乜心機寫文。依篇係我最後嘅存貨，我會盡量收拾心情，希望過多2、3日可以出到文比大家。

第十三篇：發生了什麼事？

過咗一日又一日，計Kyle所講，佢應該返到香港。我曾經whatsapp過佢幾時返，但佢自從果日後，無再上線了。我好急，我

唔知佢會幾點到香港。喺工作期間，我嘗試打佢手機，但係佢手機關咗。果一刻，我唔怕Kyle會無端端離開我，但我怕Kyle有

事瞞住我。放工後，我即刻去Kyle屋企，我按咗幾次門鐘，但無人應。我深信Kyle一定會返嚟，所以我坐係佢樓下大堂等。

一個鐘，兩個鐘.....

『鐘生，你好』

看更嘅稱呼吸引到我，我抬起頭睇，係Kyle，令我擔心咗好耐嘅鐘俊熹終於返到。我即刻跑到佢面前，攞住佢，佢大概比我嘅

出現嚇到了。

『Kelly，點解你會喺度？』

『我擔心你啊，我唔知你幾時會返，所以我坐咗喺度等你』

『你等咗好耐喇？』

『我一放工就嚟搵你喇』

『夜喇，今晚你喺我度訓』

『嗯』

返到Kyle屋企，我即刻問Kyle究竟發生咩事走得咁急，不過佢好冷淡講咗句

『無事，我沖涼先』

我個心突然好不安，我總係覺得Kyle有事唔講我知。由於等Kyle返黎等得耐喇，我從Kyle嘅廚櫃擺咗盒杯麵食。食緊嘅時候，

望住Kyle正在沖緊涼嘅廁所門口，我覺得我同Kyle嘅距離變得越來越遠，因為Kyle好多野我都唔知，而且我直覺話我知將會有

唔好嘅事發生。Kyle沖完涼，佢眼望一望我，對我看似苦笑咗一下就返咗佢間房。食完麵，我行到佢間房門口，見到佢上緊

網，佢應該知我望緊佢，但佢無同我講任何嘢。Kyle嘅衣櫃長期擺放咗我2套睡衣同埋幾件衫褲，我

入到Kyle間房，就擺咗套

睡衣後沖涼。花灑頭嘅水沖滿我成身，由頭淋到隻腳，我盡量說服自己唔好亂諗野，同埋不斷同自己講

『Kyle叻啫，無野嘅，無事架』

沖完涼，返到間房時，燈光熄淨一個，Kyle已經上床訓咗。我訓到佢隔離.....

『Kyle』我點一下佢膊頭

佢無應 『Kyle』我再次點佢膊頭

『我叻了，有咩事聽日再講』

『唔係呀，我擔心你呀，你有咩事同我講啦』 『都話無事囉！聽日再講啦！我訓啦』

我聽得出Kyle嘅語氣有啲唔耐煩，而且喺咁靜嘅夜晚上，佢講野既聲量顯得有啲大，我比佢嚇到了。Kyle從來無試過咁大聲同

我講野，唔通佢真係太叻嘅關係？我煩到佢，所以佢先咁唔耐煩？

第二日，我同Kyle搭地鐵返工，我已經唔敢再問Kyle了，全程我都無出聲。我哋企係火車嘅開門門口側邊，而Kyle企我對面，

突然間佢同我講....

『對唔住，琴晚發你脾氣了，你唔駛擔心，我無事，我去溫哥華因為我阿媽突然病得好嚴重，我要趕返去睇佢』

『伯母依家點呀？』

『情況好返啲，應該無事』

我終於從Kyle口中得知佢父母住喺溫哥華，係我同佢拍咗9個月拖後先知道。我真係唔明，唔通我唔問佢屋企嘅事，佢就唔會

講我知？

第十四章：要人情不要錢

我面前嘅Kyle開始變得陌生，佢好少同我分享佢嘅事，點解一路以來我都無發覺到？普通一般情侶鍾意分享大家背後嘅事，即

使無共同話題，亦都可以由家人，童年回憶講起。我從來無深入了解Kyle屋企嘅事，除咗只係知道佢屋企係做生意之外。連

Kyle讀過咩幼稚園，小學，中學，我都唔知，我都無問，究竟係我問題嗎？因為我無問，所以Kyle以為我唔想知，所以佢無

講？不過我有主動同佢分享我嘅事，只係佢好似無乜興趣聽，永遠以一句『我愛你』終斷我嘅分享或者聽完隨即起新話題，好

似唔想知再詳細嘅事咁。奇怪，我地嘅關係好奇怪，或者Kyle依個人好奇怪，定還是係我奇怪？我好肯定Kyle仲係愛我，只係

我同佢之間慢慢生出一封牆。依封牆並唔係透明，但亦唔係實色，看似睇唔透，但亦唔係完全睇唔到對方。就似磨砂玻璃一

樣，看到，但好蒙；看清外形，但內心看不清。

無返3日，我今晚要開OT
我會做到好夜，你唔好等
我了，你走先，返到call我

好吧，我買埋飯盒比你
先走

好呀，唔該

準時放工係一件好事，代表我可以返屋企同家人同枱食飯，但我又唔想咁早返。家中父母嘅臉上永遠帶住歡笑，每次食飯嘅話

題永遠離唔開我同Kyle。

『Kyle對你好唔好呀？』

『你地會唔會結婚架？』

『今日又同Kyle去咗邊度玩呀？』

『我煲咗湯記住拎比Kyle飲呀』

心情低落嘅我真係無法對住佢地假笑，我亦唔想我嘅不樂令佢地擔心。雖然我唔係失戀，唔需要一個人飲悶酒，但係酒吧的確

係我唯一想去嘅地方。返到屋企擺低啲野，同屋企人話約咗friend，之後就落酒吧。自己一個坐係bar枱飲杯野，其實一啲都唔

苦悶，望住bartender以一手專業嘅手法整杯嘢飲，就好似睇小丑玩雜耍，或者睇魔術師變魔術一樣，係相當有趣嘅一件事。

時間一分一秒咁過，坐到10點鐘就諗住返屋企，我望一望個電話，原來Kyle call 過我，

whatsapp亦有5個message

Kelly你返到屋企未？

返到call我

Kelly你喺邊？伯母話你未返嘞

見到whatsapp call我

你去咗邊呀？

見到Kyle send比我嘅whatsapp，我即刻call返佢，不過今次輪到佢無聽，我唯有send返whatsapp覆佢

我只係去咗酒吧飲杯嘢啫
對唔住，我無同你講，我依家
走喇

當我諗住埋單嘅時候，一件只會喺電視劇發生嘅情節竟然發生喺我身上，咁大個女真係未試過咁癡...

我擺起手袋，當我搵緊銀包嘅時候，我先醒起頭先返屋企擺低咗個銀包，散銀包入面嘅銀仔亦已經用淨3蚊。我不知所措，成

個人直情呆咗，我個腦突然出現一啲畫面，就係要幫手洗廁所嚟擒返筆錢。無辦法，電視劇情通常都係咁，要怪就怪自己睇戲

睇得多，搞到依家自己嚇自己。當我諗緊應該搵邊個嚟救我嘅時候，突然有人行過嚟，之後放低啲錢喺個俾錢兜到。我擰轉右

邊，原來係Wilson。

『我幫你比啦，你好似唔記得帶銀包，係咪？我見你不停窺個袋咁』

『唔該，我遲啲還番比你』我冷冷淡淡咁講

『少少錢，唔駛喇，你欠我一個人情仲好過』

『我唔要欠你人情，總之我比返錢你就得啦』

『我有權唔幫你比架bor，你當然要欠我人情』Wilson狡猾笑住咁講

『咁你想點？』

『上次我見你好似黐我當年突然無再聯絡你咁，你唔再黐我就當你還咗依份人情』

『乜依啲叫人情咩？』

『總之你再見到我就唔可以咁嘅樣啦』

『我咩樣？』

『惡樣』

『邊有！』

『你睇你，啱到個咀咁仲唔係黐？』

『得啦得啦，當年嘅野都過咗去，唔黐你囉，走啦，byebye』

當我擰轉身走嘅時候，我醒起我已經無錢搭車走，我死死氣地行返Wilson面前

『喂！我無錢搭車呀，可唔可以借10蚊嚟』

『欠我一個人情啊』佢遞咗張20蚊紙我

『乜你咁怪架，要人情唔要錢』我接下佢比我嘅20蚊

『錢易賺，人情唔易賺嘛』佢狡猾咁講

『得啦，欠你一個人情囉』

『咁夜使唔使我送你返屋企？』

『懶好心！唔駛喇，我識自己返屋企』

『haha你唔識返屋企就慘囉』

『無聊！我指我自己返屋企得啦，唔駛你依個衰人送！』

衰人，我記得以前我亦成日話佢係衰人，估唔到又令我記返起往事。唔知點解頭先所發生嘅事送走了我原先嘅不樂。Wilson依

個人真搞笑。諗返Wilson頭先講嘅野，佢嘅表情，令我不禁笑起上嚟。

第十五篇：原來一早識架？（1）

晏晝同Katy佢地食飯，再次被佢地問起我同Kyle嘅野。唉，真係好劫，真係唔想再諗落去，何況要拎出嚟討論。不過佢地多經

驗過我，問下聽下意見都好嘅，自己一個諗咁多又無結論，真係無意思。

Ada：『Kyle返咗嚟喇bor，你有無問佢咩事啫』

我：『佢阿媽突然病得好嚴重，所以佢要趕返去睇佢』

Jessica：『男人最鍾意用埋依啲屎橋』

Katy：『喂，乜你咁講野架，如果真係呢』

Jessica：『如果係真點解走果時唔一次過講埋呢』

Ada：『有道理』拍枱指住Jessica

我：『咁又係』

Katy：『果日你咪去等Kyle嘅，點呀點呀』

我：『佢奇奇怪怪咁，唔知係咪落機好劫呢，對我好冷淡』

Jessica：『肯定有啲野！』

Ada：『咁上次你又話一定無事！』

Jessica：『你知咩吖，我果日係話戴帽嘅帽呀』

Ada：『馬後炮！Jessica老貓燒鬚囉，又話睇仔好準嘅』

Katy：『咁你覺得點？』

我：『我總係覺得Kyle有野瞞住我』

Jessica：『飛咗佢啦，我帶你識第二個！話時話，我約咗上次果3條友去BBQ呀，我預埋你哋架啦』

Katy：『你指Martin·Kenneth·Wilson？』

我：『嘩，你記得咁清楚嘅』

Jessica：『下個禮拜日呀，咪遲到呀！』

Katy：『你唔係怕熱怕辛苦架咩？』

Jessica：『你識咩㗎，依家同仔出街唔可以再扮矜持高貴架啦，你要比佢地知你係捱得苦嘅，咁先易搵食呀』

Katy：『叫埋男朋友得唔得呀』

Jessica：『你地見少陣使死咩』

Jessica：『你呀，係時候撇甩你嘅Kyle喇，識下其他男仔，佢都唔係好好啫』

我：『佢係咪有野瞞住我，我都係估下姐，應該無野既』

Jessica：『總之果日一律唔准帶男朋友去！』

Ada：『我唔去，上次我都無見過』

Jessica：『你就豁免啦，你身體咁差，曬耐啲都唔掂』

到依刻為止，我仍然希望Kyle係冇嘢瞞住我，不過我已經開始對Kyle起戒心了。自從佢喺溫哥華返黎後，佢對我的確冷淡咗，

而且無乜關心我，至少佢以前日日間唔中都會問我做嘢冇唔，lunch time完又會問我食咗咩，但依2日佢都無。難道我嘅初

戀真係一年都維持唔到？不過我不斷說服自己『Kyle幾日後應該無事.....』

第十五篇：原來一早識架？（2）

果日，我地3個女仔先約好喺馬鞍山等，再轉專車到烏溪沙個白石燒烤場。天公造美，有太陽得嚟唔算熱，可能係春天關係

吧。到達場地，已經見到2大男士嚟到我地霸位。佢地一身背心短褲，的確夠陽光。Jessica見到佢地已經好熱情飄過去坐係

Kenneth隔離，我左望右望，都唔見Wilson。

Katy：『係呢，Wilson遲到呀？』

Martin：『唉，唔駛理佢了，條友突然有野做，所以甩底』

我細細聲講咗句『又會咁突然嘅』，忽然我眼尾睇到Kenneth好古惑咁望住我，我當然無望過去，佢個樣古古怪怪咁，之後我

就叫Katy陪我去廁所梳起啲頭髮。返到去，就見到佢地填緊張食物紙，5個人都唔需要食咁多野，更何況Jessica減緊肥。填完

後，正當我同Katy諗住去交單嘅時候，Martin就一手拎咗張紙。

Martin：『等我地嚟啦』

佢地去左入紙俾錢，咁無理由3個女仔喺度無所事事嘅，咁我同Katy就企起出面等啲工作人員執齊啲食物，咁2位男士就負責

開爐。我同Katy一邊傾偈就一邊望番去果邊討論Jessica。我地都喺度笑佢依個鹹濕婆笑淫淫咁望住Kenneth，佢肯定畀阿

Kenneth。我同Katy拎住一袋二袋返埋我地個位，爐亦已經起咗火，好快就急不及待去燒。鬼咩，Jessica約1：00pm，燒果時

都已經係半個鐘後嘅事，所以個個都好肚餓。

Martin：『係呢，之後都唔見你地再落過去間酒吧嘅』

Jessica：『依兩個對酒吧一般般架咋』指住我同Katy

Kenneth：『係咩，Kelly乜唔係自己落過去咩』佢又好古惑咁對住我笑

Katy同Jessica即刻擘大眼望住我，而我亦唔知點解佢地咁驚訝

Jessica：『有啲咁嘅事？因為Kyle呀？』

Katy：『係囉，叫我地陪你吖嘛』

我：『無事，喂！你又知嘅，Wilson同你講架？』

Jessica：『哦！你密會Wilson，原來係你唔理Kyle在先嘅』

我：『痴線，邊有，咁啱見到啫』

Martin：『邊個係Kyle？』

Katy：『Kelly男朋友』 Jessica：『朋友』

Martin：『下？』

Jessica：『都係朋友嘅一種haha』

Kenneth：『當然係佢講，唔係仲有邊個，我仲唔止知咁少添』

Jessica：『有秘密爆？』

Kenneth：『Kelly同Wilson係一早識嘅！』

我突然間打咗個突，今次4條友同時望住我，搞到我都唔知點咁

Jessica：『原來你同Wilson一早識架？姊妹都唔講！』

Katy：『但係上次酒吧見到你哋唔似識嘞，你仲執到佢嘅野添』

Kenneth：『佢地好耐之前上網識架，未親身見過面，第一眼認唔出唔出奇嘅』

我：『喂！乜你知咁多我同佢嘅野架，佢講晒比你知？』

Kenneth：『我諗差唔多掛，你地果時仲成日Line嘛』

我：『啊，好喇好喇，咪繼續講啦』 搞到我有啲尷尬

Jessica：『唔通係前緣未續，上天比你地繼續？』

Martin：『不過可惜Kelly已經有男朋友啦，可憐Wilson dry咗咁耐都未有女朋友』

Jessica：『有乜所謂，橫掂果個Kyle近排對Kelly好似淡咗咁，其實Wilson睇落都唔錯呀，係靜咗啲啫』

我：『喂！你地2個爆完我啲野未呀！』

Jessica：『唔緊要，Kenneth我地今晚私底下講』 一路講一路奸笑

我即刻睇住Jessica，Martin同Katy都喺度笑。

燒到4點幾，我地就執嘢走人去食糖水.....

第十六篇：嘻嘻，舅母（1）

琴晚Kyle約咗朋友飲野，所以我無去佢屋企訓。今朝好早就起咗身，星期六，今日到我輪休。我打開窗簾，猛烈嘅陽光射入我

間房，我相信又係美好嘅一日。我無搵Kyle嘅意願，因為我已經plan好曬行程。陣間同屋企人飲茶，同佢地行沙田嘅IKEA，順

便搜索下啲特別嘅家品，我相信屋企多啲色彩，人自然都會開心啲。正當我諗住出房刷牙洗面嘅時候，放喺床上嘅電話突然間

震.....

Wilson
救我！

咩事=.=

係你還人情嘅時候

咁你想我點還？

依家你來我屋企，地址係
XXXXXX12樓E室

變態！你想點！

睇小d高登啦！你來咗先講

我要同屋企人飲茶呀

聽日先飲啦！我等你救我呀！

你比大耳窿追數呀？

痴線！你來就知架啦

真麻煩，依家黎囉

去佢屋企要45分鐘嘅時間，大圍轉完車又要再轉。出到地面，擺住部手機睇住個google map，行咗10分鐘先到。

叮噹....門口打開，見到有個細路女企咗喺門側邊....

『你黎到就好了，唔該幫我搞掂佢』Wilson指住個細路女

『咁得意嘅，你個女呀？』

『聞住！佢係我家姐個女，佢同姐夫去咗美國工幹，今朝擺低咗佢就走咗』

『你唔識睇住佢就咪應承人嘛』

『仲好講，本來約咗Martin佢地今日打波架，但係我阿媽無端端俾老細急call要返工』

『喂！你唔係諗住叫我睇住佢，之後走咗去嘛』

『你放心，我無咁衰仔，但我都唔識睇住佢，喲，果度有3大袋嘢，你自己執生啦』

『下...咁佢有無schedule一日要做啲咩？』

『佢阿媽話12點要食野，3點要訓晏覺，7點要食夜晚，9：30要訓覺，其餘同佢玩下，講下故仔，比佢睇電視就得，佢要做咩食咩寫晒咩張紙度』

『下，依家湊小朋友咁麻煩嘅』

『你同佢玩啦，我去打機』

『有無搞錯！』我即刻用鄙視嘅眼神望住佢

『小妹妹，你叫咩名呀』我用小朋友嘅語氣問佢

『我叫歐陽天欣，英文名係Christy，今年4歲，讀緊K2』

『嘩，你咁犀利嘅！』佢嘅答法真係嚇我一跳，依家d細路咁叻嘅

『佢阿媽臨入學前就叫佢背熟廣東話英文普通話嘅自我介紹架啦，犀利乜鬼，依家個個都係咁』Wilson搭嘢

『乜你咁講架！』

『不如我同你玩？你有咩玩具呀？』

Christy走去果3大袋嘢，原來其中2袋都係佢嘅玩具，人仔細細佢好有力氣，佢一步一步咁拖袋玩具嚟，之後一野倒晒落地。

『嘩，你有咁多玩具嘅？』

佢笑咗笑

地上面有公仔，有好細本嘅書，有泥膠，有喇叭仔等等。啲公仔原來係有得換衫，佢擺咗隻女仔，然後幫佢著裙，咁我就陪佢

玩，我擺咗隻男仔，然後幫佢換衫褲，原來仲有得戴帽。其實幫公仔換衫真係幾好玩，我記得以前幫barbie換衫前仲會幫佢用

番規洗頭洗身，抹乾淨晒，吹埋個頭先幫佢著衫著鞋。有次去旅行，留低咗barbie對鞋喺酒店，我記得我仲喊咗好耐。講返正

題·Christy突然間走咗去Wilson隔離.....

『舅父舅父，陪我玩，舅父....』Christy一路講一路搖Wilson隻腳

『舅父睇緊戲呀，唔得閒』

『暫停先囉，難得Christy叫你陪佢玩，你要好好珍惜呀』

『舅父舅父』Christy眼甘甘望住Wilson

Wilson最終抵受唔到Christy嘅哀求，之後Christy拖住Wilson隻手叫佢坐地下。Christy從我手中攞走咗個公仔然後比Wilson

『舅父依個你既』

之後Christy將佢嘅公仔比咗我

『舅母依個你嘅』

我欣然接下，但係我慢慢發覺有啲唔妥，Wilson亦擘大咗隻眼，此刻我同Wilson對望

Wilson：『你叫佢做咩話？』Wilson指住我

Christy：『舅母』

我·Wilson：『下？』

Wilson：『叫佢做姐姐，乜野舅母呀』

我：『邊個教你講架？』

通常都係人地教小朋友點樣稱呼長輩，無人教又點識講呢？

Christy：『老師』

Wilson：『下，佢教你叫依個姐姐做舅母？』

Christy：『唔係，老師話哥哥係同姐姐，媽咪係同爹咁，姨姨係同叔叔，咁舅父咪同舅母囉』

我：『嘩，乜依家K2就要學識人物關係架啦？』

Wilson：『至弊學唔識囉呢』

我：『喺，Christy，因為我未結婚，又唔係你舅父老婆，所以你應該叫我做姐姐』

Christy：『咩係結婚？』

Wilson：『啫係要好似你爹哋媽咪咁，一齊先可以叫爹哋媽咪，咁要我同依個姐姐一齊，而且結埋婚，咁你先可以叫佢做舅母』

Christy：『你地依家坐埋一齊，咪結婚囉，老師話舅父係同舅母架』

Wilson：『總之你叫佢做姐姐』

Christy：『但係老師話唔可以講錯架，講錯係無禮貌』

Wilson：『乜你咁多野講既，總之舅父無講錯』

我：『haha，總之你叫我做姐姐就啱架啦』

Christy：『哦』

Wilson：『你要我拎住依個公仔，跟住點呀？』

Christy：『你要返工，你要離開依度』

Wilson：『咁我繼續睇戲』一面無奈咁講

Christy拎住個bearbear走過嚟：『媽咪媽咪，我好肚餓』

我先發覺原來佢係玩緊家庭遊戲

我拎住隻公仔：『好快有得食，你等等』

之後我擺咗個玩具蘋果遞比佢

Christy之後又拎住隻bearbear講：『點解爸爸咁耐都未返嚟嘅？』

我大聲講：『喂！爸爸嗰！』

Wilson：『唉』

Wilson坐返低地下，好平調咁講：『返嚟啦』

Christy：『唔係呀，你要學Jason好開心咁講 我返嚟啦！』

Wilson：『邊L個Jason？』自言自語咁講

我：『喂！你講咩粗口呀！有小朋友喺度架』

Wilson：『sorry，口快快啫』

Christy：『舅母，我好肚餓』

Wilson：『都話姐姐！』Wilson又住條腰講，好搞笑

Christy：『嘻嘻，舅母』

Wilson：『姐姐！』

跟住Christy拉住我隻手望住我：『我好肚餓』

我望望個鐘，已經10:50am，咁我比住餅乾佢食，之後去煮野比佢食。

第十六篇：嘻嘻，舅母（2）

我望住果張紙，原來我要煮粥比佢食，仲要加啲肉碎粒，同埋其他蔬菜

『Wilson·Christy齋食粥夠唔夠飽架？』

『你唔好煮咁稀咪得囉，佢啱啱先病好，食清淡啲好』

『哦』

由於只有Christy一個人食，所以我只係煲半乜米，依度應該夠Christy食2餐，我再將啲豬肉，合掌瓜，紅蘿蔔切粒，最後放落

個煲到煮。煮咗大概45分鐘，啲粥都差唔多搞掂。我見Christy好專心睇緊卡通片，咁我就攤凍少少啲粥先比佢食。Christy郁

都唔郁，睇電視睇到眼都唔眨，睇嚟佢已經唔記得肚餓。

『Christy·食粥啦』

我將碗遞去個茶几度，但係佢無理到我，繼續聚精匯神咁睇飛天小女警

『Christy·你識唔識自己食呀？』

佢都無答我

Wilson：『你熄咗個電視佢啦，佢阿媽都係咁做佢先會乖乖地食』

我：『下，咁唔係幾好啲，你阿媽拔開電腦插蘇你都會唔開心啦』

Wilson：『佢喊完就冇事架啦』

我見Christy唔應我，咁無理由熄咗個電視佢架嘛，咁我唯有餵佢食。佢又擘大口啲，其實餵小朋友食野又幾得意，霎時間好似

做咗媽咪咁。

『um·好唔好味呀？』

Christy一路望電視一路炭頭

『呀，食多啖啦』

可能Wilson睇完套戲，佢行咗過嚟

Wilson：『嘩，你餵佢呀？咪縱佢呀』

我：『有咩所謂，一次半次』

Wilson：『我嗌外賣食，你要咩呀？』

我：『干炒牛河咩唔該』

Wilson：『飲咩』

我：『凍檸茶』

我餵完Christy之後，佢繼續睇電視，電視係做緊魔法小米露，今次佢一路睇一路笑，真係好得意。我食完野，睇咗陣高登，差

唔多到2點鐘嘅時候，睇緊電視嘅Christy無端端行咗過嚟。

Christy：『舅母，我想去公園玩』（我同Wilson已經唔再執著佢應該叫我舅母定姐姐）

我：『Wilson！留下有無公園呀？』

Wilson：『落會所玩喇』

我：『噏，返黎要訓晏覺架』

Christy：『哦』

我幫Christy帶咗水樽同手巾仔，免得佢頸渴同玩到流汗，正當我拖住Christy諗住出門口嘅時候，原來Wilson跟埋嚟

『欸，以為你唔落添』

『會所有冷氣嘛』

去到會所，Christy見到波波池就好開心咁衝埋去，咁我同Wilson就坐埋一邊睇佢玩。

『今日真係唔該晒你』

『依個人情都算幾大，噏，無欠你架啦』

『其實我欠你就真，上次你講番，原來當初嘅承諾我無實現到，應該係話，你唔講，我都唔記得咗，亦唔知原來你咁介懷

『過咗去就算，係我唔應該將啲野睇得咁重要，不過應承完人但唔做，真係幾令人失望同唔開心』

『對唔住』

『我知道你突然唔搵我係有你嘅理由嘅，而且我都估到應該係咩事』

『你又知？』

『反正我就係知，唔好睇少我呀』

『咁你講嚟聽下』

『我唔講！反正我估嘅事係真係假都已經過咗去』

『其實點解你咁介懷我突然無搵你嘅？』

『我都唔知點解，反正我係討厭無疾而終嘅人』

『果時我地只不過係網友，而我當時亦只係一個毒L，估唔到我比你一個咁強烈嘅感覺』

『我果時係有當你係好朋友，所以我先咁介懷點解你唔同我講生日快樂』

『對唔住，當時我....』

『唔好講，我唔想聽！』我唔比佢講落去，因為我已經唔想追究往事

『係呢，你男朋友知唔知你今日嚟幫我？』

『你咁問都係想知我有無男朋友姐，我無同佢講』

『比我睇下你男朋友個樣』

『唔比！』

我望望個鐘，已經2：45pm

『Christy！口渴嗎？過來飲水！』

佢同其他小朋友玩到額頭都係汗，咁我就幫佢抹

『你要返去訓晏覺啦』

『下，我想玩多陣』

『你訓醒我再陪你玩玩具啦』

『哦』

Wilson：『唔好比你阿媽知我帶你嚟玩波波池呀！』

Christy：『哦』

我：『下？點解嘅』

Wilson：『家姐話波波池好多細菌㗎』

我地一路講一路返上樓上。

第十六篇：嘿嘿，舅母（3）

Christy：『我可唔可以睇叮嚙？』

我：『你要訓覺啦啫』

Christy：『比我睇少少啦』佢即刻扁晒嘴

Wilson：『喂，唔准扭計！我話比媽咪知架！』

可能Wilson嘅語氣有啲惡，Christy眼濕濕跟住好似隻樹熊咁雙手攞住我，之後係咁話

『舅父鬧我，舅父鬧我』，之後又偏嘴，成個畫面真係好搞笑，Christy真係好得意。

『你唔好咁惡啦，小朋友要丞架』

『曳就要鬧架啦』

『唔訓覺都叫曳？』我不斷掃Christy個背脊

Wilson：『Christy，舅父抱你去將床訓覺』

佢嘗試抱阿Christy，但係Christy越攞到我實一實，好似驚咗Wilson咁

我向Wilson做口型『等我嚟』

我：『不如姐姐陪你一齊訓覺，好無？』

Christy：『我要舅母』

我：『好喇，舅母同你一齊訓，好無？訓醒我比你睇叮嚙』

Christy：『我訓醒做完喇』

我：『總之我有辦法』

Christy：『哦』

我：『我應該抱佢去邊間房訓？』

Wilson：『我果間啦』

到我企起身時，Christy仍然攞實我唔放，到將床佢先肯放手，入去嘅時候，Wilson亦跟住我尾

Christy坐咗起將床：『我唔要舅父！』

Wilson：『你咁衰嘅，頭先邊個帶你去波波池玩架』

Christy：『舅父好惡』佢一面好唔開心嘅樣

講真，小朋友真係好，有果句講果句，表情亦七情上面，講野亦毋須避忌

我：『好喇，訓覺啦，訓醒舅父比你睇叮嚀』

Christy：『OK！』佢又即刻開心返，你話，小朋友真係好天真，轉頭已經無事

我坐咗喺床，然後講故仔tum Christy訓

『從前有個好靚嘅女仔，佢喺樹林發現咗一間屋子，入到去發現咗7張好細嘅床，由於佢行到好叻，所以佢唔小心訓著咗.....』

講講下，我都已經訓著咗.....到我醒個時，我發現我訓咗起張床，仲cum埋被。我擰轉身見到Wilson
喺書枱用緊電腦，而佢亦

都察覺我醒咗。

Wilson：『你醒啦？』

我：『嗯』

Christy：『我都醒咗啦』

我：『下？係咪我郁到你？』

Christy：『唔係呀，我好早就醒啦，但係舅父唔比我起身，仲話shu呀，咁我咪睇住你訓覺囉』佢講
時仲做埋shu嘅手勢

我即刻擰轉望Wilson，但佢好似好尷尬咁望我一眼就面返向電腦，我望一望個鐘5：50pm，原來我
亦訓咗咁耐。

Christy：『舅母，我要睇叮嚀』

我：『你個姪女要睇叮嚀呀』

Wilson：『咁點呢？』

我：『比你個電腦佢開youtube佢睇』

Wilson：『下？我用緊㗎』

我：『Christy呀，舅父話佢唔比得.....』

Wilson連忙咁講：『呀，好啦好啦，費事佢又黐我』

我：『舅父比你睇呀！』

Christy：『Yeah！』

比咗佢睇半個鐘後就收返個電腦，我叫Wilson陪佢玩，咁我就整熱埋啲粥比佢食，同時Wilson亦叫外賣上嚟。由於Wilson阿

媽會8：30就返，避免auntie誤會，我同Wilson講我8：00就走。食完野，我就陪Christy玩泥膠，玩到咁上下我就同Christy講

『我要走啦，下次再同你玩』

Christy此刻變咗sad樣，咁我就同Wilson講之後諗住擺袋走人，Christy依個時候突然走到門口大字形咁阻擋對門，就好似想唔

比我走。

Wilson：『喂，你咁樣唔得架bor，姐姐睇咗你成日都好劫架嘛，姐姐要返屋企訓覺呀』

Christy又開始扁嘴：『我要同舅母訓』

Wilson：『噏，你又曳啦』

Christy繼續扁嘴

我：『咁啦，我留多10分鐘陪佢啦』

之後Christy好快就拉著我繼續玩泥膠.....冇幾耐，我突然聽到啲聲 --- 係開鐵閘聲，此時，我同Wilson即刻對望，一面好驚咁嘅

樣。碰，木門嘅磁石同牆嘅磁石碰埋一齊嘅聲.....

Christy：『婆婆！』

伯母：『欣欣乖』此刻佢發現咗我嘅存在

我：『auntie你好』

伯母：『噢，女朋友呀？』

我就知佢一定會咁講，我強顏歡笑，因為我知Wilson會解釋返

Wilson：『唔係呀，朋友咋，我叫佢幫我睇住Christy』

伯母：『唔好意思，真係麻煩到你，我依個仔成日都麻煩人』

Wilson：『痴線，邊有成日』

『哈哈』我繼續強顏歡笑，唔知點解我好緊張

我：『既然auntie你返咗嚟，咁我走先啦』

Christy：『唔得！』

伯母：『唔准咁無禮貌架！偉廉，你送你朋友返屋企啦，人地幫你照顧欣欣成日』

Wilson：『哦』

我：『auntie，咁我走了，Christy，我走啦，byebye』

Christy開始眼濕濕，跟住不斷拉返我入去

伯母：『喂，你唔得咁架』

伯母之後抱起Christy，Christy跟住仲喊得誇張，伯母抱Christy入去，Christy伸咗隻手仔出來，不斷大聲喊叫『舅母，我要舅

母』，跟住伯母無端端擰轉身一副驚訝嘅表情望住我地，我地都無謂解釋咁多，快快趣關門走人。

落到去樓下.....

『今日真係唔該晒你』

『我多謝你比我咁充實嘅一日就真，Christy真係好得意』我笑著咁講

『有時間咪同佢玩囉』

『haha，有機會嘅』

『嗯』

『你送到我地鐵站就得架啦』

『哦.....唔好意思搞到你咁夜』

『依個人情好寶貴囉，人地一個鐘\$30，我應該超咗上次埋單個額lu』

『haha最多下次見到面飲野我請』

『你放心，實見到面，Jessica好似已經約咗下次見面嘅時間』

『係？』

『嗯，好似係，但我都唔清楚，我到喇，下次再見，byebye』

『 恩 · byebye 』

第十七篇：我諗...差不多了

有時，女仔所追求的並不是錢，激情，驚喜。請不要分辨那些香港女仔係港女或者MK妹，因為總有一日她們最需要的不是

錢，亦都不是好型的老公，而是真愛。要尋找一個真愛，那個人不一定要完美，因為完美的表面可以是假。女人尋真愛要靠感

覺。一個人愛不愛你，你會感覺到。即使平日常常跟你說我愛你，送你禮物，氹你開心，這不代表愛。簡單而說，花言巧語是

完美的一種。這樣說，你明嗎？總言之，一切的事物可以是真，可以是假，一切要單憑感覺去判斷。

『喂，Kyle？』

『Kelly，聽日有一日假，不如去睇戲？』

『真架？但係你唔係話約咗人打波咩』

『咁我想陪你嗎』

『嘻嘻，咁好啦，你係咪有戲想睇呀？』

『就睇Stephy最新果套戲啦』

『下？乜香港有上畫咩』

『總之我買咗飛，聽日我嚟你樓下接你』

『好呀！』

Kyle突然約我睇戲，我何其興奮，自從佢溫哥華返來後，對我好冷淡。佢突然話想陪我，無錯，我的確好興奮，我早就話Kyle

過多一陣就會無事，因為我相信果幾日Kyle咁應該係受到佢媽咪病嘅影響。

事實，是否如此？

第二日，我落到屋企樓下已經見到Kyle等緊我

『我check過，Stephy套新戲真係無嘢香港上畫呀』

『哎咗死！』

『做咩？』

『對唔住，我唔記得同你講要帶回鄉証』

『haha帶咗啦，唔去深圳睇仲有邊度可以睇啲』

『唉，仲諗住懶神秘唔話你知住，點知....』

『其實你記得我鍾意睇Stephy嘅戲我已經好開心架啦，仲要特登帶我過關先睇到』

『好啦，咁我地出發』

Kyle戴著微笑，伸出手來拖住我，嗯，好sweet。嗯，突然覺得來得不自然....幸好有字幕，如果唔係我聽唔明普通話，最慘係

Stephy係用配音聲。睇完戲，原來Kyle book咗間西餐廳，佢向接待員講『鐘生，約咗1點』，接待員就帶我地入去。

『你咁好嘅，仲book埋枱，今日咩日子呀？』我好開心咁講

『haha』格一陣Kyle用好低沉，好細聲咁講『唔好，你遲啲會好憎我』

『下？』

『啊，冇嘢』

或者可能Kyle會以為我聽唔到，但其實我聽得好清楚。我望住Kyle，佢一面對我甜甜咁笑，但其實我知道啲係強顏歡笑。

Kyle，究竟你做咗咩令到我會憎你？

細個，我願意睇TVB；中學，我鍾意睇韓劇；依家，我鍾意睇網絡小說。

『唔好，你遲啲會好憎我』

依句說話，自然令我諗到唔少Kyle背後有機會講依番說話嘅原因。我相信當中逃離不過以下其中一個情節....

- 1) 我偷偷跟蹤Kyle，我發現佢去咗一幢住宅大廈，佢喺15樓停低。我跟上15樓，我聽到好開心嘅小朋友聲，大叫『爸爸，我好掛住你呀！』其後，係Kyle把聲『有無掛住爸爸先？』我失望歸家。返工果日我追問Kyle，佢終於無可奈何下承認原來佢已經有家室，並育有一女。
- 2) 喺姊妹發現之下，原來Kyle係情聖，佢溝過唔少女，不過我唔相信。有日放工Kyle話約咗fd飲野，我同班姊妹去探索究竟，最終比我發現佢喺酒吧攬女。『陣間想唔想玩返晚？』『邊度先？』『我屋企』佢好淫咁講。我訓過嘅床竟然比其他女人隨便訓？我即刻衝上去，打咗Kyle一巴，然後好狠咁同佢講分手。
- 3) Kyle患有cancer，但佢無同我講。有日佢無端端暈倒，我即刻送佢去醫院，醫生同我講佢X癌第X期。我成個人崩潰，走到Kyle床邊一邊講一邊喊『我憎死你呀，點解你唔同我講你有病，我可以照顧你架，我亦唔會嫌棄你，你知唔知你令我好擔心呀！』『對唔住』我捉住Kyle隻手『我唔會離開你，依世都唔會』

再唔係.....

- 4) 『我比屋企人迫婚，唔娶個女仔，我阿爸就會生意失敗』『我恨你！』

我決定停止作出無謂既猜測，因為我確定Kyle的確有事瞞我，而且同我係有關連。我地進食午餐，期間有講有笑，我仲同Kyle

提起Jessica嘅事，姐係識咗Kenneth佢地嘅野。不過，我感覺到我同Kyle嘅關係變了。有啲野似係無變，但係感覺變了。其

實....還有彎轉嗎？

究竟發生咩事？

Kyle，既然不能回到過去，不如索性來個令我傷害減到最低嘅總結。

第十八篇：.....（一）

果晚，我去咗Kyle屋企訓，佢話好想攞住我訓，因為我能夠帶比佢溫暖。每次佢攞住我，我都感受到無比嘅甜蜜，溫暖同安全

感。我把我嘅手緊緊攞住佢條腰，因為我心知還可以同佢一齊訓嘅次數唔多，亦都怕佢會再次失蹤，所以我要更加珍惜同佢一

齊嘅時刻。我唔知我會憎佢啲咩，或者可能你會覺得由頭到尾都係我亂諗，但係感覺唔會有錯，我感覺到Kyle對我嘅愛變了，

我有預感佢會再次離開我，只係佢會用咩方法嚟同我離別。半夜，我醒了，我再次發現Kyle唔喺我嘅身邊，我即刻走出廳，佢

再次神神祕祕咁講電話。同樣嘅情景再次出現了，但今次我唔會再比Kyle離開我。我走到佢隔離，好快佢就cut咗線。

『咁夜你同邊個講電話？』

『無，我同屋企人傾偈啫』

『係咪你阿媽嘅病情有啲咩事呀？』

『啊，唔係，無事，唔駛擔心』

『你可唔可以跟我去訓覺，我怕你好似上次咁突然走咗』

『嗯，我地繼續訓啦』

我同Kyle面對面，佢雙手攞緊住我，好快我就入睡了。第二朝，我慢慢擘大眼，好彩Kyle仲喺我身邊，我開心到攞緊住佢，佢

比我扎醒了。

『早晨Kyle』

『早晨』佢睜眼惺忪咁講

佢慢慢坐喺床上『今日你想去邊呀？』

『今日你又陪我呀？』

『當然，你係我女朋友嚟架嘛』

『um.....唔知啲』

『不如同你屋企人飲茶？』

我聽到依句時嚇咗跳，估唔到Kyle主動見我屋企人，雖然佢之前都見過面。

『唔好，你遲啲會好憎我』

我開心到依句說話我都忘記了.....嗯，的確忘記得一干二淨.....我嘅心理準備都無了

飲茶過程普通到好普通，無乜特別，連最常見嘅父母催婚環節都冇，我就唔特別描述了。

今日開學了，只能夠每次寫少少咁upload上嚟 / 隔日 / 隔幾日先upload其實我都唔知大家有無興趣追我依個故，我都知自己寫得唔好，不過我點都會完成依個故，如果有咩意見可以留言比我，我會盡量改善。感覺上個故好似拖咗好耐，好快就會去返故事嘅中心要點，請大家繼續支持！

第十八篇：.....（二）

來得容易，去得突然。以上嘅事.....係補償嗎？我曾經希望過，既然不能回到過去，不如索性來個令我傷害減到最低嘅總結，

難道依個就係你比我嘅總結嗎？係你一早plan定的嗎？其實你有無顧念過我地曾經有嘅1年感情？你是第一個對我絕情的男

人。

Kyle 早晨！

你返到公司未呀？我驚趕
唔切返黎呀


噃，你做咩關咩last seen？

既然Kyle無覆我，我唯有check FB，第一時間我嘅手指向電話嘅右邊撥一撥，係我慣常check下邊個on緊line嘅習慣。我訥咗

一眼，我個心開始加速好快。屬於Favorite side嘅Kyle竟然唔見咗佢個名。我立即search佢嘅FB account，我搵唔到佢..... 我嘗

試睇FB messenger message 佢。

『Hey』



我轉至viber send message 比佢.....

你係咪whatsapp block咗我？

你連facebook都block埋我？

你可唔可以話比我知發生咩事？

不過我點都估唔到你咁絕情，
無論點都好，我會等你解釋

返到公司，Katy，Ada，Jessica，三個都望住我，之後就拉咗我去茶點間.....

Katy：『阿榮話Kyle辭咗職，究竟發生咩事？』

Ada：『佢有無向你提起？』

Jessica：『喂，你唔係唔知呀嘛』

『.....』

我心入面答佢地：唔知，無，係，我真係唔知。我慢慢開whatsapp比佢地睇，再開FB比佢地睇，所有事盡在不言中，佢地都

明白。喺佢地面前，我忍唔住喊了..... 但其實，我好嬲。嬲到喊，唔知你地試過未？

為免其他同事見到，Ada立即關咗對門

Katy：『你有無試過call Kyle？』

我擰頭....

Katy：『傻妹嚟嘅，打去問下嘛，我幫你打』

Jessica：『點呀？有無人聽？』

Katy：『號碼不存在』

Katy：『我whatsapp佢試下』

Ada：『電話都不存在，你what乜鬼啫』

Katy：『仲有Facebook！』

Katy：『佢....block埋我』

Ada：『我都係』 Jessica：『條粉腸！我咁大個女第一次被人block！』

我：『我....點算？』

Ada：『你終於肯講野嚟？』

我：『佢話過.....我會好憎佢』

Katy：『陣間 lunch time我地陪你落去搵阿榮，佢同Kyle咁熟，佢應該知架，你依家返埋位先』

我：『嗯』

阿榮：『唔駛問我了，佢連我都block埋』

返到座位，我真係好唔甘心點解要喺毫無解釋下比心愛嘅人block。我用我阿媽嘅FB account做咗一個試驗，我發現佢嘅FB還

存在，唯一改變嘅係改咗相，係佢一年前影嘅相。我相信佢咁做嘅目的只有一個：一切打回原形，回到過去唔識我嘅日子。

點解你要咁絕情？

第十九章：再見了，無遺憾的愛情

Kyle嘅離開嚟得突然，佢應該真正離開我了。一個同你斷晒聯絡嘅人，值得留戀嗎？我去過佢屋企，當然佢已經搬走咗，去到

嘅時候房東同緊另一戶人家簽緊合同.....

『鍾生？佢退咗租喇啎？』

『請問佢幾時同你講話唔再租落去架？』

『當然係一個月前』

『哦，唔該你』

我轉身離開，一個月....原來一個月前佢已經選擇咗離開我，正正係佢去溫哥華嘅前一個禮拜，上一次佢嘅離開真係因為佢阿媽

病咗嗎？整件事變得撲朔迷離。公司方面，自問私事絕對唔會影響公事，但我確實需要休息一下，而且Katy都批准了。

我選擇到花園街行下，閒日人唔多，清清靜靜正合我心意。由旺角東出閘，走過行人橋，一落到樓梯嘅右手邊就係我最鍾意嘅

小食店，左手一杯楊枝甘露，右手一串我最愛食嘅魚蛋，可惜我只有2隻手，如果唔係我可以買埋咖喱魷魚食。街邊嘅攤檔店

舖，大個咗我都少買了，始終果度賣嘅服裝唔係咁啱我返工著，話雖如此，唔同種類嘅貨物都足以你睇半日。之後，我行到隔

離街睇動物，佢地的確好可愛，每次一睇我都好想帶佢地返屋企，尤其係狗仔，不過始終我長期工作，我唔想養返屋企嘅時候

忽略咗佢。

行行下.... 我竟然撞到著緊西裝嘅Wilson。

『咦，又會咁啱嘅』

『係囉，頭先我先送份野比個客簽名』

『你返公司？』

『無呀，我諗住食番個下午茶先返去』

『哦！你偷懶！』

『打工仔有得偷緊係偷下懶啦，難得老細出咗去工幹』

『咁不如一齊啦，我行咗好耐都肚餓了』

『ok呀』

我地行行下，又行返頭先買小食果度，我望望下，Wilson見狀就問我

『你想食魚蛋？』

『你又知嘅？』

『依間出名魚蛋架嘛，不過上次食好似啲味唔同咗』

『係呀，頭先我買過一串，咸咗啲』

『你想食依啲小食嘅，我帶你去另一間啦，果度啲魚蛋包你食過翻尋味』

『咁犀利？咁我真係要試下啦』

我同Wilson都啖咗杯豆漿飲，另外啖咗2串魚蛋2串咖喱魷魚鬚同埋一件西多士share。Wilson佢的確無介紹錯，埋單嘅時候，

我拎出銀包，諗住AA制。

『等我嚟啦』

『唔駛啦，你請我下次飲野咪得囉』

『because I am a gentleman』

『ha，懶型，咁多謝啲』

『It's my pleasure』Wilson作狀擺上單手鞠躬嘅姿勢

『haha，咪玩啦，埋完單你要快啲返公司啦』

『咁我走啦，bye』『嗯，再見』

而我亦返屋企.....夜晚，我收到Wilson send比我嘅whatsapp.....

係呢，乜你今日唔使返工嘅

無呀，我今日請咗假

有病就應該留係屋企，但係
你出咗去行街，唔通你有心
事？

多事啦你

嚟，話比哥哥知

明明我大你一年

唉，七月份...相比起7月14
我更驚嘅係2月14

使乜驚，大把入陪你，
我夠無伴啦，單身都唔係
啲咩一回事啫

你唔係有男朋友嫁咩

比佢突然間block我，手
已自動分

sosad

唉，其實有無第二次初戀

次次都話係初戀咁得

我覺得我個初戀好坎坷

haha

淨係識笑，你個初戀好好咩

唔記得咗啦

肯定你飛人

雙飛人haha

好咗！無遺憾！好彩我都無！

無遺憾，因為係Kyle佢自己消失得無影無蹤，除咗嬲我無唔開心，因為要多得佢嘅絕情。

第二十章：相機成為了紅線？（1）

返到公司，我見到Jessica擺住部手機笑得好燦爛，我行到去佢座位後面，就諗住睇下佢手機有咩咁好笑，原來佢同人

whatsapp緊。Ada都走埋過嚟了.....

Ada：『笑得咁開心，今次又邊個做咗水魚呀？』

Jessica：『琴日我買咗新相機，諗住叫Kenneth教我影相』

我：『用電話影咪得囉，使乜咁貴買部相機』

Jessica：『你識咩吖，影風景當然要用靚機影』

我：『咁你頭先咁開心笑緊咩』

Jessica：『whatsapp講』

Jessica

我約咗Kenneth今個禮拜日
去山頂影相

唔係落去飲野咩

Jessica

我心急想快d影相嘅

咁你地玩得開心啲啦

Jessica

咩呀，我預埋你地架

Ada

今次又唔駛預我喇，Jason
依個星期六生日，我會同佢
去澳門玩2日

Katy

今次我點都唔跟你地去架啦，
我想同Andrew過二人世界

咁我都唔去喇，無謂做
電燈膽

Jessica

仲有Wilson同Martin架
你星期日都無嘢做架啦
唔得！你要陪我

你唔係想同Kenneth
單獨相處架咩，點解要
叫埋Wilson Martin

Jessica

咁我認住你可以同Wilson
見多啲面呀嘛，點知Ada
Katy一個去唔到，一個唔
想去囉

警告你呀，咪做埋啲
雞仔媒人，總之我唔去

Jessica

無得你唔去，你點都要陪
我呀，係咪姊妹先！你忍心
我一個女仔對住3個男咩

鬼叫你先斬後奏，去咪
去囉，哼，我捱義氣陪
你去咗

Jessica

我都知你重情義架啦
:D kiss* kiss*

『喂，聽日點去山頂呀？搭咩車可以去？』

『Kenneth有車呀，佢會車我地去果到，再搭纜車上去』

『Kenneth有車架？實開心死你啦』

『總之聽日11點你喺我屋企樓下等啦』

Kenneth準時到Jessica樓下接我地，Jessica立即開門坐司機隔離果個位。其實無人同佢爭，唔通我會咁唔識做坐果個位咩。

之後Kenneth就揸去紅磡火車站接Wilson Martin 2個。嬌小嘅我去到當然要坐中間，Martin坐左面，Wilson坐右面，中間夾著我

一個。你知啦，男人坐底擘大隻腳，我喺中間就好像變咗夾心餅，有啲尷尬.....

Kenneth：『點呀？後面你地迫唔迫？』

Jessica：『點會迫呢，Kelly好瘦架咋』快快咁講

Wilson：『我ok呀』

我即刻斜視Wilson，心講：你緊係ok啦，你又唔係比人夾果個

佢望返我，之後好白痴咁向我整咗個鬼臉

我：『haha白痴』

Jessica擰轉後面望望我地，之後用蠢惑嘅眼神對住我笑：『你就爽啦，有2大美男陪你左右』

我以鄙視嘅眼神回佢：『不如我同你調轉啦』

Jessica：『唔制』

假日，旅客非常多，等纜車上山都等咗大概45分鐘，最失策係我地唔應該中午12點依段時間先上山，因為最多人就係依個時

候。上到纜車，Katy 拉著Kenneth，Kenneth 拉住 Martin，好快就坐滿右手邊嘅3人座位。

Jessica：『uh oh 你地2個坐左邊啦』

左手邊係2人座位，心諗：都唔知佢地係咪特登

上山沿途中，側邊都只係見到啲樹木，能夠見到風景嘅機會唔算好多

我：『咦，喺度都見到中銀大廈嘅』

Wilson：『當然啦，依度係中環嚟架嘛』

我：『中銀喺中環架？』

Wilson：『你係咪香港人嚟架？』

我：『我以為中銀喺香港果邊』

Wilson：『中環咪係香港區果邊囉』

我：『haha又好似係嗰可』

Wilson：『你係真膠定假膠架』

我：『一時醒唔起啫』

沿途見到嘅風景好靚，咁大個女第一次上山頂，就好似大鄉里出城咁。第一次搭纜車，坐喺咁懷舊嘅

纜車上，欣賞著香港嘅景

色，心情確實興奮，好彩我話跟Jessica嚟。我唔似隔離果位，對住部手機仲比我偷望到佢上高登。

我嘅手機突然響起whatsapp嘅提示聲，我拎出電話，禁落個mon

Wilson

派粒膠比你先



我：『無聊，你睇下風景仲好啦』

Wilson：『咁你又應』

短短八分鐘嘅車程比我一次機會認識香港嘅景點 --- 山頂纜車

第二十章：相機成為了紅線？（2）

上到去，環境唔錯，加上天氣十分之晴朗，Jessica開心到立即叫Kenneth幫佢影相。由於中午時間，大家都覺得有啲餓。山頂

上面餐廳唔多，最終我地入咗翠華餐廳食。嗌咗4樣餸share，4杯檸檬茶，我同Jessica share一杯。後尾，為咗唔想比人地一個港女嘅

形象，Jessica依層都明白，我地今次AA制.....

我地行到去一個地方，個度就好似一個公園，種滿植物，對住嘅就係一望無際嘅香港景色。雖然香港成日大霧已經見慣不怪，

但個日景色離奇地非常之清晰，猛烈嘅太陽襯托於香港嘅美景同周圍嘅花草樹木簡直係絕配。Jessica就好似一個旅客咁，立

即拉住Kenneth，之後叫Martin幫佢地影相。Jessica嘅行為的確做得過於表面，Kenneth又點會唔知佢心意，Martin又點會唔識

做呢。雖然部相機係Jessica，但揸機人絕大部分都係Martin。面對咁靚嘅景色，為免將來無能嘅政府將佢毀於一旦，我只好

立即拍下，留為紀念。講真，今時今日還能夠睇見清晰嘅香港美景只能夠靠運氣。

Wilson：『用電話影邊靚架』

我：『咁你用你部專業相機影完send返啲相比我囉』

Wilson：『無問題，一定靚過你影嘅多多聲』

卡嚓

我：『睇過』我睇下佢部相機『乜你啲構圖咁差架，個天同下面嘅景色啱比例，左下角又無端端影到少少欄杆，唉.....』

Wilson：『咩啫，嚟，你試下影囉』

佢一隻手托住部相機，另一隻手將條相機帶穿過我條頸

我：『haha咩啫』我嘗試學佢嘅語氣『乜你講野咁女仔嘅』

Wilson：『跟得你多』

我：『痴線，我平時邊有講“咩啫”』我再次取笑佢

我拎一拎轉頭，發覺Jessica佢地都唔見咗人，我同Wilson四周圍睇下，不過都唔見佢地嘅蹤影。

我：『唔好理佢地了，我地自己影』

揸住部專業相機，連自己都覺得專業埋，左手托底右手禁制，單眼影相，一個字『型』！

我：『喂喂，幫我影張我揸機影相嘅pose㗎』

Wilson：『哦』『過啲，右少少，個頭愕高啲，嗯，hold住，隻腳前後企』

我：『喂呀，得未呀，好叻啦』

Wilson：『得啦』

我：『嗯，唔錯，記住whatsapp send比我呀』我接下相機睇番張相

Wilson：『嗯』

行到再入面，個度有個涼亭，我地面向風景休息一下。一路欣賞風景，一路有清涼嘅風撲埋嚟，的確好休閒，好relax。突然

間有隻好特別嘅雀仔飛到前面嘅欄杆，當我想影嘅時候唔知點解對唔到焦。我遞部相機比Wilson，佢唔知嚟咗咩制，部相機又

搞返掂。我嘅身傾向前少少，喺差唔多嚟下快門嘅時候，Wilson好大聲咁話我揸機姿勢擺錯。

我：『shu！再出聲隻雀仔就走架啦』我細細聲向Wilson講

卡嚓一聲

隻雀仔好快就飛走咗.....

Wilson：『等我教你點揸機啦』

Wilson捉住我隻左手，將佢移向鏡頭底下，一邊講：『隻左手唔係托住左下角，你要將佢托住鏡頭底下先會影得自然同舒服』

Wilson掂我隻手果下，突然有啲觸電嘅感覺。我又開始諗歪了，個腦喺度諗：死了，點解Wilson掂我隻手我個心會跳得咁快。

心仲未定，突然見到有人行緊過嚟.....

Jessica：『哦！你地撇甩我地去偷情！』

我嚇到鬆開咗隻手，好彩條相機帶仲箍住我條頸

Wilson：『明明係你地走咗先，我地純粹係度抖下』

Jessica一副疑惑嘅樣望住我地.....

Martin：『我地頭先都影咗好多相，不如我地去個商場行下，順便入埋蠟像館參觀』

Kenneth：『咁我地依家行啦』

3個男人行前面，Jessica忽然箍住我隻手控埋嚟

『點啫，Wilson唔錯啦可？』

『你個Kenneth又點呀？』

『haha，我同佢影咗好多相，今晚有排慢慢欣賞』

『你得米啦』

『講啦，Wilson頭先同你做過d咩？』

『影相囉，仲有咩好做』

頭先Wilson掂我隻手觸電果下，我當然無同Jessica講，Wilson掂我果下痺痺地嘅感覺我仲記得。真奇怪，Kyle第一次拖我隻

手都未試過，唔通掂手背嘅感覺會大啲？依個時候忽然諗起Kyle....佢究竟去咗邊？做緊咩？即使對佢已經無感覺，唔黠，無

唔開心，但我仍然好奇佢無故失蹤嘅原因。

第二十一章： - 諗唔到叫咩名 -

(以下我將會以第三者敘述)

Wilson：『喂？Kelly，幫我一樣野』

Kelly：『咩呀？』

Wilson：『Christy生日，唔該幫我揀份禮物比佢，之後我比返錢你』

Kelly：『做舅父嘅買禮物好心你就親身揀，親身買啦，點可以假手於人呢？』

Wilson：『我都唔知細路女鐘意咩，我只係識barbie咋，但係佢都大把啦』

Kelly：『最多我幫你睇下眼囉』

Wilson同Kelly相約於星期日喺旺角行精品店，佢地一路行一路傾緊應該買啲咩類型嘅玩具比Christy，教學型？可愛型？扮靚

型？當佢地傾得好投入嘅時候，突然有幾個人行緊佢地身邊。一個記者，一個攝影師，仲有一位工作人員.....

記者：『先生小姐，你地好呀，我地係XX日報記者，可以做個訪問嗎？』

Wilson，Kelly突然嚇到企咗喺度，記者見佢地無反應，就即刻問佢地問題，怕醜嘅Kelly一見roll咗機就好快躲喺Wilson身後。

記者：『請問平時你激嬲女朋友，你會點樣氹返佢？』

面對咁嘅問題，無女朋友嘅Wilson都唔知點答好
『下？um....say sorry囉』

記者：『咁你會言語上定物質上氹返女朋友開心呀？』

由於Wilson最近一次拍拖係4年前，佢都已經唔記得
『er.....太耐唔記得啦啲』

記者：『女朋友呢？你男朋友有無氹過你呀？』

記者嘗試問Wilson身後嘅Kelly

Kelly心知道依個記者誤會咗佢同Wilson嘅關係了，但佢冇理由喺鏡頭前澄清，咁樣做會令Wilson好尷尬嘅，聽完記者問題，

Wilson個頭擰去望住Kelly，唔知點答嘅Kelly唯有不斷揮手之後話『我都唔知呀』然後繼續躲喺Wilson身後

記者：『好善忘嘅一對情侶嗎haha，唔該晒你地』

好快，記者就離開咗，而Wilson·Kelly終於可以鬆一口氣，不過好快Kelly又緊張起嚟

Kelly：『死啦，我地係咪上咗鏡？咁好多人咪會見到我地？』

Wilson：『你一直都躲喺我後面，影到你咩？你驚我地識嘅人以為我地拍拖呀？』

Kelly：『我好似露咗一秒樣.....又唔會驚嘅，最多同佢地解釋返囉，我係怕上鏡啫』

Wilson：『應該唔會掛，我地答咗等於無答，佢地應該會cut咗我地掛.....死啦，琴晚唔夠訓，有黑眼圈添，真係擺左上網都唔知點算』

Kelly：『haha，好彩我最多只係露咗一秒』

Wilson此刻鄙視Kelly，但Kelly無理會到佢，繼續笑Wilson。

Kelly Wilson 行到一間有賣玩具嘅舖頭，2個大細路一見到啲玩具就嚟下佢，又拎上手試下啲質感，佢地同樣面上帶著同啲細

路一樣嘅表情，充滿童真嘅笑容。Wilson走到店舖嘅盡頭，發現一個坐立式神奇畫板，依個玩具同以前果種畫完即掃走有啲相

似，但唔再只得黑色，而多咗藍色，紅色同綠色。Wilson覺得依個玩具幾特別，就叫Kelly走去比下意見。

Wilson：『你覺得依個點？佢保留咗舊式畫板嘅特色，但係又加插咗新嘅顏色，仲有幾塊板可以等小朋友照著畫，唔錯呀可？』

Kelly：『幾好嘞，我見依家啲小朋友好少玩依種畫板，嗯，就買佢啦』

Wilson：『好，咁我同個職員講要一個先』

Kelly：『嗯，我再睇多陣』

Kelly見到有個玩具幾特別，個名叫做 多啦A夢百寶箱，個簡介介紹個箱入面係裝住多啦A夢嘅法寶，Kelly一見到就鍾意，佢醒起Christy

鍾意睇叮嚙，所以佢決定帶埋個玩具去收銀處比錢。

Wilson：『咦，你買嚟送比邊個？』

Kelly：『Christy囉』

Wilson：『下，點好意思呀，你只係見過佢一面』

Kelly：『我見佢上次咁唔捨得我，又咁鍾意痴我，我都好鍾意Christy呀，咁咪買份禮物比佢，等佢記得我囉』

Wilson：『如果你做阿媽實會寵壞自己啲子女』

Kelly：『先唔係，我會獎罰分明』

買完禮物，剛好係下午茶時間，正當佢地喺商場入面搵緊野食嘅時候，Kelly撞到佢嘅中學好友，數下手指，最近一次同佢

gathering已經係年半之前，佢地撞到即刻攬埋一齊，超興奮。

Kelly：『我地去食下午茶，不如一齊？』

JJ：『咦，你男朋友呀？』

Kelly：『唔係』 『佢咪係威廉王子囉』 細細聲咁講

JJ驚訝到O咀，然後向Kelly奸笑，並且碰咗左臂佢一下

入咗間中式餐廳，坐低後.....

Kelly：『你地自己介紹自己啦』

JJ：『Hi！我叫Jade（女）！』

Wilson：『你好，我叫Wilson』

一路食，Kelly同JJ都有講有笑，JJ仲向Wilson爆Kelly啲中學料

JJ：『你知嘛，想當年中五我地個級去星加坡旅行，咁就有幾個小六嘅學生跟埋嚟嘅，其中有個細路幾靚仔，Kelly竟然話鍾意果個小六靚仔學生，haha，咁我地咪落手落腳幫佢偷影個男仔囉』

Kelly：『喂！果時講吓笑啫！邊會真係鍾意個小六學生先得架』

Wilson：『haha估唔到你冇戀童癖』

Kelly：『咩呀！咪聽佢亂噏啦』

JJ：『中學畢業之後，Kelly就去咗英國讀書，佢果時仲開始寫故比我哋做生日禮物，佢啲故初頭又真係寫得幾差嘅，但係第3篇又唔錯喎，呢，個男主角咪係.....』

Kelly踢一踢JJ隻腳，之後好細好細聲咁講：『喂！咪爆出嚟呀！』

Wilson：『個男主角係？』

JJ：『秘密！haha』

JJ就繼續爆Kelly啲野，不過講多幾句已經被Kelly停口，食到差唔多尾聲，JJ突然用手指2下篤個枱面..
....

JJ：『阿威廉，er唔係，阿Wilson，你做緊咩工呀？』

Wilson：『小弟係Marketing assistant』

JJ：『ohh，唔錯吖』

Kelly：『我去廁所先』之後Kelly再一次細細聲鄭重JJ：『警告你咪講呀！』

JJ隨即向Kelly show個OK手勢

第二十二章：不要道歉，只求解釋

接近黃昏時段，Wilson送Kelly返屋企，帶點睡意嘅Kelly喺巴士上慢慢入睡，冇幾耐，Kelly嘅來電鈴聲嘈醒咗自己。佢擺起手機睇，並無來電顯示，

Kelly誤以為係廣告電話，所以cut線。幾秒後，電話再次響起.... 有些少煩躁嘅Kelly毅然接起電話。

『喂？』

『.....』

『喂？』

『係我.....』

Kelly 全身霎時變得僵硬，而佢嘅氣促開始變快。

『你打嚟做咩』 Kelly好唔友善咁講

Kyle：『睇下你做緊咩』

『乜你仲識關心我架咩？』

Kyle：『你係咪好嬲我？』

『如果我咁對你，你會點？』

Kyle：『好對唔住』

『你唔需要同我講依三個字，依三個字只留比有機會改過嘅人，但你唔會有依個機會』

Kyle：『我地會唔會有機會做返朋友？』

『你全部block晒我，仲問我依個問題？』

Kyle：『其實我無玩過你，我係真心鐘意你，但係.....』

『唔好話我聽你有絕症，我唔會信』

Kyle：『比依個更加嚴重』

『從你block晒我果刻，我好嬲你，因為你不辭而別，就算你依家搵番我，已經無任何原諒可言，我只求解釋』

Kyle：『我唔知點親口同你講，我寫email比你好嗎？』

『你鍾意』冷漠地講

隨即，跟以往一樣，Kyle係先收線。心情仲未平復嘅Kelly不禁流下眼淚，身邊嘅Wilson見狀不知所措，唯有遞張紙巾比Kelly，但Kelly無反應。

Wilson：『依d衰人唔值得你為佢喊』

Kelly：『我無唔開心...只係...我仲好嬲，點解佢要咁對我』

Wilson：『傻妹嚟嘅，擺張紙巾抹咗啲眼淚喇』

kelly：『唔駛了』隨即用隻手抹就算

Wilson：『你睇你，就咁用手抹搞到塊面有眼淚痕啦』

Kelly：『我點睇到喎！』

Wilson：『haha又係喎可，你呀，成個Christy咁』一邊講，一邊好細心咁幫Kelly抹走眼淚

Kelly：『姐係點？』頭擰轉望向Wilson

Wilson：『啱啱喊完嘅衰樣囉』

kelly：『乜你咁話我架！我都無喊！眼濕濕，流咗幾滴眼淚啫』尷尬地笑

Wilson：『笑返咪幾好』

Kelly：『你囉！』

Wilson：『你係咪讚緊我呀？我會怕醜架喎』

Kelly：『haha，痴線！』

電話過後，好彩Wilson一路都有陪住Kelly，氹番佢笑，又細心為佢抹眼淚，讓Kelly感到一啲暖意，否則Kelly自己一個人嘅時

候會亂諗野，由嬲慢慢演變成唔開心。

第二十三章：溫暖的來電

做市場部門嘅我，無時無刻都好忙，特別有大project嘅時候。普通office工嘅星期六d人就話可以hea住咁做，返半日就可以即

刻走人，但我依啲分分鐘要開OT。以前就話有某人成為我嘅動力之柱，依家嘅我即時放工都無地方去，何況做緊野想搵個人

text下都難。咁嘅生活真係好苦悶，每日返工放工返屋企，星期六日就多數做宅女，同Jessica佢地出去又會有幾可？辦公室，

一身塗滿白色嘅牆，配上灰色嘅枱，如果向四周圍好快咁望一眼，眼前就好似出現白濛濛一樣，唯一比較突出嘅顏色就係黑色

嘅電腦椅。喺一個充滿白色嘅環境，加上涼浸浸嘅冷氣，的確唔能夠係依個office做野途中同時享受其中。當然你唔能夠期望

一間辦公室有任何美感可言，亦不能夠賴依間公司嘅內部環境影響你嘅工作心情，但一個咁dry嘅人（我）配上一個咁dry嘅辦

公室，就會成為『Double Dry』。而Dry正正會帶嚟負面情緒，從而影響工作表現。話雖如此，若然從寒地之中帶點溫暖，的

確能夠為你全身提升一些小濕度。

忙裡偷閒，我接到Wilson嘅來電.....

『喂？』

『Christy有野同你講』

從而Wilson把聲變咗背後嘅聲

Wilson：『嚟，同人講你今日生日，收到姐姐比你嘅禮物，講多謝姐姐啦』

Christy：『邊個姐姐？』

Wilson：『咪上次喺我屋企同你玩果個姐姐』

好快，我已經聽到Christy把聲

Christy：『喂，姐姐』

Christy：『啊，唔係呀！』

Christy：『舅母！你喺邊呀！我想同你玩呀，陣間我媽咪又要我訓覺呀，你可唔可以陪我訓呀！』

把聲忽然變得好大

Wilson : 『喂！做咩突然咁大聲！仲有我係叫你同人講多謝呀！』

我：『haha，生日快樂呀Christy！』

Christy：『我今日生日呀，多謝你比我嘅禮物』

我：『唔駛客氣，你今年幾歲呀？』

Christy：『4歲』

Christy：『舅父，eh呢，我想要果個eh見到人果個』

Wilson：『邊個？你講咩？』

Christy：『上次呢，我喺依度見到媽咪，我想要果個』

Wilson：『你想喺度見姐姐？』

Christy：『YES！』

Wilson：『喂，Christy話想同你視像啫』

我：『但係我仲係office啫』

Wilson：『姐姐.....唉算，舅母話佢好忙呀』

Christy：『咁我幾時先可以同舅母玩？』

Wilson：『下，遲d啦』

我：『唔講啦，我要做嘢啦，你比Christy聽』

我：『Christy，下次我再同你玩啦，我要做嘢啦，byebye』

Christy：『哦，byebye』一把好sad嘅聲

Wilson：『比個goodbye kiss啦』

Christy：kiss*

我：『haha，byebye』

Christy係一個好精靈可愛嘅小朋友，由佢堅持要叫我舅母同埋想見我，佢真係比到我一個好溫暖嘅感覺，小朋友確實能夠帶比

人歡樂。我好想再見Christy，好想同佢玩，唔知仲有無依個機會呢？答案係__。
事實上，一日佢屋企人喺度，試問我又邊

夠膽同Christy見面？不過如果我_____嘅話，就唔會無可能；最後，我亦的確做到。

第二十四章：你的真愛其實就在你身邊（1）

平時嘅我鍾意睇感情post，憑著睇人地既經歷總會對自己冇得著，同時亦會幻想下如果我係佢咁我會點。實不相瞞，睇人地嘅

感情經歷亦有時會令我感到羨慕，就好似點解人地有，我就無。不過，當你睇到某啲post，會有kind of relate嘅感覺.....

是咁的，之前小弟被人戴綠帽，一段相識4年的感情竟然不敵於一個MK仔，我的心情簡直崩潰了。自問我對我的（前）女友不差，她想要的pandora手鍊我都有買給她，她每次發脾氣我都處處禮讓，而我都有氹返她開心。偏偏一句性格不合把我處於門外。在我心情低落的時刻，一位網上識的朋友突然whatsapp我。其實不是突然，我們間中都有whatsapp對方，傾吓偈，向雙方訴苦和安慰對方。她就好像我的好知己，她亦很了解我關心我。就在當天我被女朋友飛，我向她訴苦，她就義不容辭走來陪我在碼頭吹風喝啤酒。

她是一個外面活潑內裡溫柔的女孩子，我還記得當天她用Tempo紙巾幫我抹眼淚。平時我會覺得一個男人在女人面前哭，那種男人的霸氣會完全消失，是一件多麼醜怪的一件事。不過，在她面前，我竟然沒有這種感覺。我覺得她好明白我，會配合我的情況而做相對的事。同她一齊真的有一種舒服的感覺，即使平時跟她whatsapp也一樣。我不知自己有沒有多疑，我覺得她肯為我做那麼多事情，她應該是對我有意思，只是之前我有女朋友，她凡事都不會做得太過出面。直到現在，我們亦處於曖昧的關係，在whatsapp的對話中真的跟一般情侶無異。最近我亦跟她的見面次數多了。我發現我鍾意了她，有向她表白的衝動，但我怕我的直覺錯，誰不知原來她只是當我係好朋友，那到時怎麼辦？我應該留意她多一段日子還是擇個日子表白呢？各位高登巴絲，請幫下我！最後，我想表達的是有些人原來一直在你身邊，但是你沒有細心留意她的存在原來是會為你帶來安慰和歡樂，你們不妨想一想你們身邊有沒有一個類似懂得關心你的異性朋友，或是每當你有難，她都會出現你面前幫助你，安慰你。

睇到中段，我就諗起一個人，因為佢亦曾經為我抹過眼淚。我記得，當佢嘅手掂我手背，突然有種觸動嘅感覺，心跳亦快到猶

如心臟病。當佢為我抹眼淚，就突然有種窩心嘅感覺，而自己亦變得小鳥依人。但我係鍾意佢嗎？我實在搞唔清楚。我怕了，

我唔敢再輕易鍾意人。

登~

whatsapp嘅提示聲將我從深思中抽返出嚟

喂！舅母！

咩事呀舅父

估唔到你喺Christy
心目中咁深刻

我同佢夾得嚟掛，
d小妹妹都鍾意同
姐姐玩架啦

頭先收咗線，我諗住去廁所，
佢問我幾時先可以同你玩，
我隨便敷衍佢話唔會架啦，
點鬼知個衰妹突然好大聲話
你哋人！舅母一定會同我玩！
嚇到我d尿都縮返入去，即刻shu
佢，比佢阿媽聽到都唔知點解釋

haha，你好核突呀！
睇下有無機會啦，你個姪女
直係好得意，我都想同佢玩

得意？我話曳就真！成日堅持己見
唔肯聽人講

幾好呀！有性格呀haha

第二十三章：你的真愛其實就在你身邊（2）

（以下我將會以第三者敘述）

時間已過個半星期，Kyle所講嘅email仲未出現，正當Kelly以為封email唔會有嘅時候，電話嘅提示聲響起。Kelly拉下功能欄，

發現Gmail嘅icon，旁邊出現Kyle

Chung依個名。Kelly開始緊張起來。要到嘅始終會到，而Kelly一直渴望嘅解釋將會係幾秒內

出現佢眼前。

親愛的Kelly,

你好嗎？你還在罵我嗎？對於我突然的離開真的很對不起。在我說真相之前，我不期望你會原諒我。

我說過，在我做會計師之前，我曾經在阿爸的公司幫手，而我爸爸的公司就在溫哥華。在那段時間，我認識了我第一個女朋友，我好愛她，更跟她發生了關係。回港工作是我一直以來的夢想，正當我計劃了回港的時候，當時的女朋友跟我說她有了身孕。她的一句說話打斷了我一切的計劃，我只好無奈地接受，相對地，我的計劃延期到她生了BB後的一年，我打算3年後才回家，期間有假期才探望他們。其實直到現在我和那個女孩子還未結婚。直到那次家人告急，他們說我媽媽病情嚴重，要我趕回看她。那就是我第一次離開你的時候。當媽媽情況開始有好轉，她跟我和那個女孩子說希望在她還健在的時候結婚，雖則我亦感不是時候，而且香港還有你，但始終我仍要給一個名份給那個女孩子。我其後應承我媽媽，當我收拾好香港的事情，我就會回到他們身邊。這就是我第二次要離開你的原因。

對你說出如此真相，我知道一定對你的打擊好大，單純的你一定不能接受這個事實。我對你有千千萬萬的抱歉。雖然我一腳踏兩船，我當初真的很喜歡你才期望你能做我女朋友。我承認當初我不顧後果，而導致有今日的成果。現在的我心知不值得求你原諒，但此刻我仍愛你，希望你明白。有時我在想，這就是時間的差錯，如果我沒有遇見那個女孩子而認識你在先，陪伴我一生的人就是你，因為你好善良，你是一個無機心，凡事以人著想的好女子，你曾經對我的好，我會埋在心底。最後，跟你一起的種種回憶我不會忘記。你是一個好女子，你值得有一個懂得關心你和我更愛你的男朋友。請你忘記我.....

愛你的人
Kyle

Kelly隻手睇完就開始微微咁震了，佢千想萬想都諗唔到原來佢做咗人地既第三者，更加想唔到佢嘅第一次初戀就愛上人地既

爸爸。Kelly嘅情緒開始失控，佢崩潰地喊咗出嚟，避免爸爸媽媽聽到佢嘅喊聲同索鼻水聲，佢只好抑壓自己嘅情緒，但咁樣

只會令佢更加辛苦。佢擺起隨身物，襯父母喺房就快脆離開屋企。Kelly喺樓下屋企坐，又不停喺屋苑走來走去，最終佢去咗

七仔買咗幾罐啤酒，然後坐喺屋企附近嘅石灘，打算海浪聲同啤酒能夠令佢麻醉自己，等自己唔好諗

任何野。一罐啤酒飲完又

到另一罐，幸好，Kelly仍然清醒。夜幕當中，一片環境清靜，人們寥寥可數，顯得浪聲非常之大，但Kelly仍然聽到佢電話嘅

來電聲。

『舅母！我要訓覺了，我想聽你講故仔』

『Christy？對唔住呀，舅母無心情，唔知講咩好，下次先同你講，好嗎？』

『哦』

Wilson：『點呀？』

Christy：『舅母話無心情，唔知講咩呀』

Wilson：『下？你比我聽』

Wilson：『喂，Kelly？』

Kelly：『嗯』

Wilson：『你係邊呀？我聽到海浪聲嘅』

Kelly：『無』

Wilson：『你把聲咁嘅，你依家自己一個呀？』

Kelly：『嗯』

Wilson：『你係邊？我嚟搵你』

Kelly：『唔駛了』

Wilson：『依家咁夜你都唔會去得遠，你係咪喺你屋企附近個石灘呀？』

Kelly：『嗯』

Wilson：『你等我呀！咪做傻事！』

Kelly：『痴線！』

喺Wilson嚟到石灘之前期間，Kelly已經飲咗3罐啤酒。依刻嘅Kelly開始覺得有啲凍，佢雙手抱緊膝頭，眼甘甘望住一望無際嘅

大海，即使佢唔係等Kyle，佢都唔想返屋企。無幾耐，有人從後將件衫披喺Kelly嘅膊頭上，然後坐

咗喺Kelly隔離。Kelly微微

轉頭望向Wilson，眼淚一行線流到下顎嘅位置，Wilson就估到係關於咩事。

『佢又搵你呀？』

『原來我做咗人地第三者』Kelly一路講一路喊

Wilson此時隻手掂向Kelly塊面，好輕手咁用隻手指公幫Kelly抹去眼淚

『既然過去咗，就唔好再諗了，並唔係你嘅錯』

Kelly聽完Wilson嘅說話，更加喊得更厲害。Wilson無再講任何嘢，只係以微笑應對Kelly。Wilson將Kelly嘅頭移向佢嘅膊頭，隻

手就好似冰小朋友訓覺咁，一下一下拍向Kelly嘅手臂。無聲中安慰Kelly，咁就一個晚上。第二日，Kelly喺睡夢中比Wilson拍

醒，Kelly慢慢擘開眼，佢發覺原來佢一整晚都馴係Wilson嘅大牌上，之後就慢慢起身望向Wilson。

Wilson：『起身望下個日出啦，我諗你應該無乜點見過』

Kelly隨後望向日出，之後笑得好甜咁望返Wilson。

Wilson：『係咪好靚呢』

Kelly：『嗯，非常之靚』

Kelly：『多謝你陪咗我成晚，你係咪無訓過覺？』

Wilson：『有得挨住舊大石頭都訓到d嘅，只係無你訓得咁舒服啫』

Kelly：『嘻嘻，真係好多謝你』

Wilson：『咁你請我食早餐啦』

Kelly：『無問題！』

後來Kelly返到屋企，自己一個人喺間房到偷笑，佢諗返起琴日Wilson將件衫披喺佢膊頭上，又再次幫佢抹眼淚，而且成晚仲訓

喺Wilson大牌上面，之後更一齊睇日出，成件事對Kelly嚟講變得好浪漫。兩日Kelly嘅情緒對比的確好大，最緊要佢慶幸有

Wilson成晚陪佢，令到Kelly覺得佢自己真係鍾意咗Wilson。

第二十五章：試探的對話？

自從果日喺石灘度過我人生第一次嘅野外過夜, 第二日我就得到感冒了, 當日Wilson將佢嘅外套比咗我, 我真係有啲擔心佢會唔

會因為我而病.

果日你返到屋企有無即刻
訓返場好覺?

無呀, 返到去即刻打機 🤪

sorry呀, 搞到你果晚無覺好訓

唔緊要

你做緊咩呀?

好凍

你發燒呀? 係咪果晚你冷親?

空虛, 寂寞, 凍

嚟, 等姐姐比溫暖你 😊

其實我唔覺你寂寞㗎



咪扮嘢啦你, 你做得marketing
依行, 識咁多人, 仲點會寂寞㗎

唉, 大部分男仔嚟
啲女仔好多都有男朋友

咁慘 😂 其實你都有Martin,
Kenneth依兩個兄弟啦, 女朋
友慢慢搵都未遲



成為密友大概.....嘻嘻

總帶著愛.....



做咩咁狡猾?

唉

你又唉咩

無女朋友是否遺憾?



唔緊要嘅



你做依行大把機會識人

仲大把機會望女女 😂



喺依篇對話中，我發覺我好似講錯咗野。唔係，應該係話好似無意地向Wilson暗示我鍾意佢。其實我好怕比佢知道我鍾意佢

佢，因為如果佢唔鍾意我，佢有意避開我咁點算？咁咪連朋友都無得做？希望我嘅答覆無令佢誤會，尤其是依句....

咁慘 😂 其實你都有Martin,
Kenneth依兩個兄弟啦。女朋
友慢慢搵都未遲



成為密友大概.....嘻嘻

總帶著愛.....



結局篇：歷史重演？

自從我發覺再次鍾意Wilson之後，為咗更了解佢，就每日都留意無形人喺高登嘅足跡。佢過去三個月所發過嘅post同留過言嘅

post，我都逐一喺個半鐘頭內睇晒。其中我發現一個佢留言嘅post令我好沮喪，我成個人突然變得好低落。佢留言嘅內容同當

年嘅有7成相似嘅地方。我曾經向Wilson講過，我知道點解佢會無端端唔再搵我，因為我發現當時佢係高登留言話佢喺DSE考

英文speaking時識咗個女仔，期間佢地會抽時間同對方whatsapp，放榜之後，佢地更傾得密咗，最後一齊約過出街。Wilson

仲曾經嘗試拖佢手，不過可惜失敗，比個女仔fing開隻手。佢地最後發展成點我唔知，因為當時Wilson已經無再講任何

野。今次，我所見到嘅留言係咁：

我都無女呀Hi :o) :o)

最近我喺公司嘅營業部門發現咗一個新來嘅女仔，

咁啱食飯時間比我喺附近餐廳撞見佢，我地相認後，我成功抄佢牌，

由果日開始我多咗同佢whatsapp，有一日佢仲約我出去食糖水，

我埋咗單之後我地喺附近散步，我借啲意將我隻右手擺近佢隻左手，

雖然我無諗住拖佢手，但最後佢好似有意無意縮開咁。SOSAD :o)

我送到佢去搭車，之後我地繼續whatsapp。喺嚟緊嘅美食節佢約我一齊去，

其實我係咪俾人當咗做兵SOSAD :o) :o)

睇完依篇留言，我心情真係好失落，我怕歷史重演，Wilson識咗個新女性朋友會再次唔理

我依個舊朋友。我絕望到希望聽慘情歌嚟配合情緒，我一邊聽一邊唱.....

如結果 相知相愛沒結果

寧願可 今天你未重遇過

離別那個傍晚 忘掉那些年間

隨夢去再別了車站

如人生 不捨的故事太多

如人海 匆匆過世間變幻

明白你已來過 沒結果 曾感激你在旁

——— 愛莫忘 鄭欣宜

唱到中途，自己竟然傻到喊咗出嚟，估唔到自己對暗戀都咁認真，見人地同第二個女仔有緊密嘅聯繫就好似失戀咁。無辦法，

我承認我係一個好敏感嘅人，明明個女仔應該只係同Wilson朋友關係，但我就諗到佢地做咗情人，

以致我就好似失暗戀咁。當

初以為人地陪咗我成晚，心諗佢咁緊張我，自己就已經其後開心到暈。或者佢只係當我係佢嘅好朋友，所以先咁夜特登嚟搵

我，關心我.....

若愛上妳怎麼躲
夢妳迷人笑渦
如我每天總偷偷想妳
這應否算是傻

在這芳心燃起戀火
但你明瞭我麼
而每一天日子輕輕飛過
誰願分秒記著我

讓我再次回憶當初
是我愛你太多
其實有否一點喜歡我
其實心裡有沒有我

——其實你心裡有沒有我 鄭秀文/許志安

此刻嘅我好想搵人傾計，但我唔想搵Katy，亦都唔想搵Ada，Jessica。我嘅whatsapp個contact list碌一碌，唯一可以傾嘅人應

該係遠在英國嘅表哥。

表哥，你嘅表妹失完戀後
又失暗戀

lol dim lose sin

個男子係好耐之前，我仲係英國讀緊書時喺高登識嘅，後來佢無再搵我，近排見返佢，之後.....下刪100字，我知道佢識咗個女仔，出埋街個女仔仲約佢去美食節。你覺得我係咩無機了？

Golden  Plastic 都費事比

我認真架！咁叫我重作！

I know, I didn't say you make up
You are so plastic
Golden do ho believe

高登識都係以前嘅事姐，我
最近有見番佢，都算係幾
close咁架，只係我懷疑佢
鍾意咗個女仔姐

懷疑 🤔

You are really so plastic :0)

算了，我都係想呻下姐，你
都唔明我講乜

I go to school by bus

🙄 九唔搭八

That's what this sentence used for 🤔

唔知係咪我過份敏感，Wilson佢依幾日都無搵我，不過咁有係嘅，佢又唔係我邊個，不過見佢嘅whatsapp成日都online，或者

個 last seen係幾分鐘前，我就會聯想到Wilson同個女仔無時無刻都whatsapp緊，一諗到依度，我個心就不是味兒。講真，whatsapp嘅last

seen真係令好多人唔開心過。

結局篇：放棄了

日子一日一日咁過，距離上次同佢whatsapp嘅時候已經係24日之前嘅事。今日星期日，我忍唔住，諗住搵啲話題同佢講下

嘢。最後我問佢Christy點，有無話想見我。

3分鐘後.....

佢online了，睇咗了，又offline了。

半個鐘後.....

last seen today at 19:49

1個鐘後

last seen today at 20:45

都無覆我.....

臨訓前，手機whatsapp提示聲響起，我立即擺起電話，拉下提示欄

Jade

對唔住阿Jade，我承認見到你個名失望了，你問我依個星期六得唔得閒出來飲杯嘢，我答：好吧

第二朝，我睇見提示欄有whatsapp logo

Messages from 2 contacts

我禁落去，其中一個係Wilson

Wilson

唔知

最近我無見佢

唔知點解我覺得你嘅答法有啲冷淡。唉，不過人sad，睇咩都自然sad。但係點解要隔咁耐先覆我？我諗返起Wilson嘅高登嘅

留言，諗起個女仔，諗起.....拖手？我不禁嘆一聲口氣.....

諗通了，絕望了，放棄了，無機了，再見了

你係唔係真係咁鍾意貪新(朋友)忘舊(朋友)？

當初你嘅whatsapp回覆，我無再同你講任何嘢，因為我真係決定放棄了

星期六，赴Jade嘅約，到starbucks坐低飲杯嘢食個茶點。你問我最近發生咩事？我好好奇點解你會

無端端問我依個問題，但

我無追問你，只係答你最近我無野。我問你點解無端端咁好約我出嚟，你話想約咪約囉。你突然間問我『係呢，你同威廉王子

最近有無聯絡』，我答：『少咗好多』你好好奇追問我：『你唔鍾意佢嚟？』我口是心非咁答你：『唔鍾意了，我放棄了』你

問我點解，我話因為佢唔會鍾意我，我喺你多番逼問下，我先向你解釋係高登我見到嘅留言。你鬧我我好白痴，明明人地都無

話鍾意人，點解我要幻想到wilson鍾意咗個女仔。為咗證明我無估錯，我答你：『最近佢無再搵我，最近我搵佢，佢隔咗成晚

第二朝先覆我』你笑我諗多咗，人地唔搵我可能因為我都無搵佢，所以佢唔敢搵我，至於點解Wilson要咁耐先覆我，你竟然答

我無從判斷。但你偏偏話Wilson應該對我都有意思。當時嘅我唔知點解你咁講，何況你同Wilson又唔係好熟。你一句『信我無

壞嘅』，當時我真係睬你都傻，無端端點解要信你。最後，我喺堅持自己想法嘅情況下離開Starbucks，同阿Jade到別處行

街。果晚，我收到Wilson嘅whatsapp，我好驚訝原來佢仲搵我。

問下你

可能有人想收我做兵

人地鐘唔鍾意你，你自己
feel到，就算做兵都係你
自己揀，係你甘心去做

講真，我好遲鈍

啫係點

啫係做咗兵都唔知果批

睇你自己點諗，我一向唔
欣賞做兵嘅人，人地派下
糧就鬼咁開心，點解唔搵
個真係珍惜你嘅呢

不過果個女仔有無當你係
兵我唔知，依嗰你係最清楚



你笑咩

無，呢d野同你講好似
怪怪地咁

咁唔好問我囉



係鍾意人就表白囉，
無謂做兵，我ex講過，
你要清楚自己喺咩崗位，
同做緊啲咩，否則關係會
複雜化



你只係識笑



喂，你下個禮拜日
得唔得閒

做咩

一唔一齊去海洋公園

做咩無端端約我，
約你嘅女神啦！

有人呷醋？



痴線！你鍾意人點解唔
約佢，要約我

同你熟啲嘛，
我突然間想去，
唔通同Kenneth Martin 2個麻甩佬去咩

其實我唔係鍾意佢，
會同佢吹下水咁，
但佢好似想收兵咁

係咩

um...下星期日我得閒嘅

咁約定你架啦

㗎

魔鬼Kelly：你又話放棄！

天使Kelly：佢話唔係鍾意果個女仔呀！

魔鬼Kelly：人講你又信！你依家同做兵有咩分別，人地派下糧你就開心成咁

天使Kelly：就算佢唔鍾意我，做朋友我都滿意架了

魔鬼Kelly：晒時間！

天使Kelly：你放心，我識控制自己嘅情緒，唔會開心過頭囉！人地又唔係話鍾意我！

魔鬼Kelly：你識咁諗就最好啦！

大結局 (1)

我講過要放棄鍾意Wilson，我實在搞唔通究竟Wilson對佢嘅女同事有無意思，我怕Wilson騙我。當佢問我去唔去海洋公園時，

我怕我答應佢嘅話，我對佢嘅愛意會越來越深，但又唔忍心推咗佢。所以我決定搵Jessica陪我，而佢都一口答應了，仲話會

幫我仔細分析Wilson嘅為人，喺佢身上chok多啲料。

赴約當日，我同Wilson約咗10：30am金鐘等，當其時Wilson係唔知我約埋Jessica。就喺我仲有3個站先落車嘅時候，Wilson

send whatsapp嚟話佢已經到咗，跟住我call Jessica

『喂，你去到邊呀？』

『咩去到邊？我喺屋企呀』

『咩話！我約咗你今日去海洋公園架！』

『哈，係咩？記錯時間添，依家我嚟實好遲架，無辦法啦，你地玩得開心啲』

『你....』

『唔講啦，我約咗Kenneth，bye』

好明顯Jessica重色輕友！但依家變咗我要同Wilson單獨去海洋公園，我又怕我嘅心會再次動搖。我一步一步慢慢行去閘口，

不過我左望右望都唔見Wilson，我call緊佢手機嘅時候諗，唔會佢又玩我嘛.....

『Wilson，你又話到咗嘅，你喺邊呀？』

『嚟緊啦，望到你啦！』

『下，係咩？點解我見唔到你？』

當我諗住拎轉身行嘅時候，我撞正一個原來企咗喺我後面嘅人，我撞到果個人嘅心口，雖然我額頭有啲痛，但我連忙同果個人

講聲對唔住。由於果個人身體比較高，我就好矮，撞到嘅時候，直視時我只係望到佢心口位，講完對唔住後，我個頭望上

去.....

『有無搞錯！原來係你！痛死我啦！又唔同我講你喺後面！』

『小姐，你個頭硬啲定係我心口硬啲呀』 Wilson一邊講一邊搓個心口

『咩嗰』

『諗住嚇下你啫，估唔到你一野衝埋嚟』

『邊個叫你咁無聊嚇我』

『行啦，今日係假期，出面應該排晒長龍等巴士』

『哦』

喺排隊時間，我發覺到原來咁多人鐘意著情侶衫去海洋公園，條隊不斷行前，嚟排隊等車嘅人陸續有來，我先見到一對情侶著

住墨綠色類似軍裝嘅情侶衫，另外我見到一對係分別著住灰淨色嘅裙同灰淨色嘅外套，我好自然望下我同Wilson著嘅衫，係黑

白雙煞，唔怪得知做唔到情侶。大概等咗15分鐘就上到車，我地坐喺樓上嘅位，唔駛幾耐就開車了。當我諗緊陣間玩咩機動

游戲嘅時候.....

『呀！』我大嗌咗聲，雖然巴士有啲嘈，但已經嚇到Wilson

『嚇死人咩，無端端嗌』

『我地唔記得買飛呀！總之頭先去counter買咗先排隊啦，陣間買又要排長龍了』

『買咗啦一早，等你嚟嘅時候已經去咗Seven買了』

『咁醒目？幾錢呀？』我已經喺個背囊搵緊個銀包

『唔駛啦，係我叫你陪我嚟嘅』

『咁好？咁多謝嗰』

咁就慳咗200幾蚊，心情都開心啲

去到海洋公園門口，Wilson叫停咗我

Wilson：『你企喺度，影返張相先啦』

『點解嗰，有咩咁好影？』

『幫你影相仲咁嘅語氣，快啲啦』

『咁你呢？』

『唔駛了』

我企定定比Wilson影，但太陽太曬，搞到我嗔晒口面望住鏡頭

『開心啲啦！』

『好曬呀！』

『咁我地自拍啦！』

『下？』當我諗緊點解嘅時候，Wilson企咗喺我隔離，擺住部手機向上伸直少少，哦～原來自拍，部相機可以阻擋太陽嘅強烈

光線。入到去，擺咗個地圖睇，其實下面無乜野玩，影相居多，首先去咗水族館，然後去探下4隻熊貓。其實海洋公園我好多

年無嚟了，原來熊貓搬咗竇，環境的確靚咗好多。之後去咗懷舊香港，Wilson仲喺果到影咗好多相。由於果度擺咗啲地攤位，

Wilson逼我做水果婆！

『Kelly，不如你踏喺度扮賣嘢』

『咦！咁核突！』

『嚟啦，影張相當留念』

『唔要！不如我幫你影啦！』

『你似啲嘛！』

『咩話？我唔似賣水果嘅阿婆囉！』

聽到都有少少罄，我即刻離開依個鬼地方。聽人講Halloween又係依度搞，加上條街咁懷舊，吸引到啲朋友仔嚟都唔出奇。

(其實我講笑)

我行下行下，行到去搭纜車嘅地方，Wilson就一直跟喺我後面。

『對唔住囉，我講笑咋』

『哼！』

『乜你諗到嘅係賣水果嘅阿婆架，人地賣花賣火柴都可以係少女嚟啦，你都可以係賣水果的女孩啫』

『得啦，唔駛tum我啦』

『咪咁小器啦』

我做咗個鬼臉比佢

到我地入去了，職員叫我地一人坐一邊，之後對門就慢慢關。唔知你地有無依種感覺，喺架纜車就出時，心情係好緊張，之後

架車逐漸加快，然後出到去，重見天日！個感覺有少少刺激。風景好靚，加上好好天，我即刻叫Wilson幫我影張相。

『喂Wilson，唔該幫我影張相吖』

『你唔係嬲我架咩！』

『傻嘅，我點會咁少野就嬲，嚟啦，快啲幫我影』

『哈，好啦』

『你坐依度啦，我地一齊影張，風景咁靚唔好睇』

『嗯』

我一邊望住風景一邊喺度諗，如果Wilson鍾意我，做我男朋友，你話幾好呢。我偷偷拎轉望住佢，我見佢攤住電話個手係度

噤，莫非佢同娘娘whatsapp緊？點解你要咁對我嗱！個身就陪住我，但個心又唔喺度。死了，我又亂諗野！當我見到Wilson

抬返起頭時，我即刻望返風景，我背後聽到Wilson笑咗一聲，我心諗：乜料？無幾耐，我收到阿jad e嘅whatsapp

點呀？海洋公園好無玩？

下，你又知嘅？

你上次同我講嘅

係咩？點解我
無印象

哈，你腦失憶啦
肯定，點呀，Wilson
對你幾好嗎？

ok啦，我地
依家坐緊纜車

我真係有同你講
我同Wilson去海
洋公園？

當然！唔係我點知

奇怪，我真係一啲印象都無。

打打下文眼瞓了，要訓覺，個結局唯有分2part出

大結局 (2)

我地先玩咗一個過山車，睇企鵝，然後就肚餓了。

我：『我好肚餓了』

『咁不如搵地方食野喇』

我：『不如去依個餐廳，好似有企鵝睇架』

『食咁豪？』

我：『唔緊要啦，我嚟親都係食McDonald，我想試下食依個』

『哦』

假期多人，要等位亦在所難免，不過由於好多人比較鍾意求其食啲嘢就快快趣走去玩，所以餐廳唔會有好多人等位，大概25

分鐘吧，已經有位比我地。我地好好運，我地既座位正正對著啲企鵝，一邊食一邊望住企鵝行來行去，感覺真係好得意。親

Wilson去咗廁所，我叫埋單，比完錢，我就等Wilson返嚟。

『我地走啦』

『下，埋咗單喎？』

『當然！』

『得啦，你唔駛比返錢我，你請我入嚟玩，我請返你食野應該嘅』

何況2個人食嘅野都唔夠一張入場券貴，諗落，我有著數嘅，嘻嘻

玩完幾款機動遊戲，我地就去咗玩果個飛船，姐係有隻鷹嘅標誌，升到半空係咁轉轉轉果個。細個雖然嚟過海洋公園好多次，

但身邊嘅人總係唔夠膽陪我玩，依家大個咗，終於有人願意陪我第一次玩依個機動遊戲。排隊嘅時候，我持興奮嘅心情望住一

次又一次機動遊戲開動嘅時刻，我見無乜人啞，依個應該唔會刺激。由於我未玩過，所以我對依個遊戲無乜認識。下輪就到我

地，我見前面嘅人一個又一個走入去架車入面，跟住我發現咗一樣野。

我：『下？乜原來可以2個人入去入面架？』

『係呀，你想？』

『咩呀，我問下咋嘛，都無話想，我.....我先唔要同你咁親密吖』我尷尬咁講

Wilson無再出聲，但就喺度好含蓄咁笑

終於到我地了，我好快咁入去其中一個（車廂？係咪應該咁叫呢？）我走到入面，忽然間.....我拎轉面，原來果個Wilson跟埋

入嚟！

『喂！你做咩入埋嚟呀！』

『haha，你做咩面都紅晒』

『你未答我呀，你做咩跟埋入嚟啲！』

『出面無晒位了，咁你無理由拋低我架，咁我未入埋嚟擺』

『你哋人，明明頭先我地排頭位嘅』我聲線已經變得好細聲，因為我非常之緊張，個心仲跳得好快

『快啲坐好啦，就嚟開始了，你想坐後面定前面呀』

『下，er.....前面，後...後面你實責住我』

我個腦究竟諗緊咩呀！死了，咁我咪順佢意？我實在太緊張，但情況實在唔容許我頭腦清醒，加上就快開始，我扣好安全帶，

個身傾前少少避免同Wilson接觸。機動遊戲已經開動，慢慢升高，由慢開始加快，我一唔小心，個身突然向後撞向Wilson嘅

（懷抱？）我個心已經去到頂點，我相信我嘅心跳聲Wilson無可能聽唔到。之後，Wilson笑咗笑....

『ha，你好緊張呀？』

『邊....邊有』

『隻手扶住欄杆啦，定係.....』

『扶！我扶！』我好快但又好尷尬咁講

由於我怕同Wilson有親密嘅接觸，所以我揸住欄杆揸得好用力，避免身體再次向後傾，所以真係好劫下。當部嘢慢慢停落嚟，我一唔覺意鬆開手，放鬆個身嘅時候唔記得咗Wilson喺後面，而我成個身再次捱向Wilson度。Wilson即刻雙手掂向我膊頭，而我先開始醒覺，不過點我果下，個觸電感覺再次出現，果刻呆咗喺度。

『哈，其實你頭先挨落嚟咪得囉，我唔介意嘅，頭先你係咪撐得好辛苦？』

我即刻彈番向前，由於我唔知講咩好，我尷尬面向Wilson講咗個“無”字就即刻開扣走人，之後Wilson跟住我尾。一路上，

唔知係咪我頭先尷尬到傻，一路掠低頭無講野，又唔敢望向Wilson。走下走下，就坐咗入一個類似涼亭嘅地方。奇怪，我坐低

後唔見Wilson，我走返出去左望右望，都唔見佢，我開始怪責自己，死了，係咪我頭先粒聲唔出嚇走咗Wilson。當我擺部電話

call Wilson 時，Wilson突然擺住2杯沙冰出現喺我面前。

『噏，擺杯抖下啦』

我地入返去涼亭坐，我望住杯沙冰，細細啖拔嚟食，總係唔可以好放鬆咁食，食食下，我偷望Wilson，佢發覺到我望佢就一路

食，一路向住我笑。佢嘅笑實在令我放鬆唔到，只會令我個心卜卜咁跳。Wilson佢....出聲了....

Wilson：『其實你知唔知點解我會約你嚟海洋公園玩？』

『下，因為你想嚟，咪搵我陪你囉』

Wilson：『咁你又知唔知點解Jessica今日嚟唔到？』

我嚇了一驚，點解Wilson會知Jessica嘅野？Wilson見我嚇到眼都跌埋出來，佢笑了一笑

Wilson：『有樣野你知，但應該估唔到』

『下，係咩？』

Wilson：『Jessica鍾意Kenneth，你無理由唔知，Kenneth係我兄弟，你都應該知』

『下.....唔通.....』

Wilson：『Jessica話咗比Kenneth知你約佢今日嚟海洋公園，由於係我約你，Kenneth當然之後同返我講，Kenneth專登叫Jessica唔好嚟，佢叫佢哋你記錯時間，然後約Jessica今日去行街食飯睇戲』

我聽到依度，我心諗：咁Wilson咪會知我叫Jessica嚟嘅目的？我個心開始有少少驚

『sorry呀』

Wilson：『哈，咁又唔使say sorry，你聽埋我講落去先啦』

『嗯』

Wilson：『你係咪好好奇點解阿Jade會知你同我嚟咗海洋公園』

我震驚了，我眼前依個Wilson好似知好多野咁，突然覺得佢有啲狡猾有啲恐怖。

『你有啲恐怖....』

Wilson：『haha，睇嚟我依個表白變得有啲特別了』

我聽完佢咁講，心跳又加速了。

Wilson：『至從上次同你喺石灘共渡咗一晚夜，之後你無再搵過我，所以我都唔敢搵你了，我想知更加多關於你嘅野，但無理由問你果2個friend，之後我諗起阿Jade，我記得佢講過你寫過一個故事關於威廉王子，我好好奇，就諗住whatsapp阿Jade』

『點解你有佢電話號碼嘅？』

Wilson：『上次食完野你去咗廁所，跟住阿Jade就同我交換咗電話號碼』

Wilson：『我問佢擺咗你個故嘅名，然後上網search，第一個就係紙言，個作者名仲係你最初果個高登名，我就知我無搵錯。睇完之後，估唔到你咁鍾意FF野』

『咪笑啦，年少無知呀！諗到咩緊係寫咩啦』

Wilson：『睇嚟你都想同個威廉王子有個good ending haha』

『以前啲野我唔記得了，唔好問我啦』我語氣變得細聲，但Wilson應該聽到

Wilson：『重點係，當年我應承過你陪你嚟海洋公園』

『所以今次你就約我？』

Wilson：『嗯』

『其實唔記得咪算囉，你唔駛要特登約我嚟』Wilson搞到我好尷尬，我都唔敢望佢了

Wilson：『其實我想知你有無鍾意我，所以我叫阿Jade去問你，點知阿Jade之後轉述返比我聽原來你放棄咗我，正正因為1，2個月前我喺高登留言果樣野，所以我咪諗住約你嚟海洋公園，睇下可唔可以挽回你嘅心意』

『um.....其實你依家係咪同我表白緊？』

Wilson：『ha，係呀，咁.....你仲鍾唔鍾意我呀？』

『下，我.....我都話放棄咗你啦』

突然Wilson咁問我，我都唔知點答好，跟住我就一支箭尷尬咁走咗

Wilson：『我知你仲鍾意我嘅，係咪？』

Wilson不斷跟住我尾

『咁啫，邊有！無呀無呀』我繼續行行行

Wilson：『我唔信！』

我突然停低，拎轉望向Wilson

『咁我答完你又點呢？』

Wilson：『下，err.....um.....』

『唔理你了！』

Wilson：『下，我唔明啫』

『算啦，無野了』

Wilson即刻跑到我隔離：『我鍾意你！』

我望住Wilson：『哦！』之後我又走咗去了，但係我心情好開心，個心不斷係咁笑

Wilson：『下，啫係點呀？』佢又跑上嚟

『果十個字呀！』

Wilson攤晒佢10隻手指出嚟，個口不斷郁，隻手又開始數，我見到，我笑了。

Wilson突然捉住我，情深款款望向我，但講得好含蓄：『Kelly，um.....你....可唔可以做我女朋友？』

我低下頭，偷偷笑了，之後我以一個認真嘅表情望向Wilson

『Wilson，你知道嗎，我覺得你對我好好，喺石灘果晚我真係好多謝你，同你一齊我真係好開心，所以呢.....』

依個時候Wilson插口

Wilson：『又係你叫我講10個字，講完你又派好人卡比我，總之唔問你，你唔想就算啦』之後Wilson慢慢咁離開我身邊

我心諗：死了，我唔係有心hurt Wilson，但我都未講完！

我好無奈咁慢慢走上前，用我2隻手拖住Wilson嘅右手，Wilson見狀突然停低咗

Wilson：『你唔係....』

『頭先你都唔比我講埋落去』由於係我主動拖Wilson隻手，所以我好尷尬，唔敢直望佢

『我頭先想講，因為你對我好好，我好開心，所以我都好想有個對我好嘅男朋友呀，但係你頭先又唔比我講埋落去！』隨即我細細力打咗Wilson一下

『搞到我依家咁鬼尷尬！最衰都係你！』

Wilson：『haha，咁依家到我拖實你了，就算有手汗，我都要拖住你！』

我向Wilson笑了一笑，然後繼續我地餘下嘅旅程。

上天為這對情侶安排了一切，從命運中偷偷地幫助Wilson履行當年對Kelly所有的承諾。
Kelly就是憑感覺找到了真愛.....

完

仲有個番外篇，請繼續留意.....

有睇大結局嘅人，我好感激你有繼續睇落去，小女子自知文筆差，加上係新手，寫得唔好請多多包涵！

番外篇：Christy姪女？嘻嘻

我好想再見Christy，好想同佢玩，唔知仲有無依個機會呢？答案係有。事實上，一日佢屋企人喺度，試問我又邊夠膽同

Christy見面？不過如果我係 Wilson女朋友 嘅話，就唔會無可能；最後，我亦的確做到。

見家長係好多情侶必經過嘅事情，但我嘅第一次係要見無數嘅家長。今次見家長嘅目的有啲搞笑：證明比各位親友知，Wilson

有女朋友！先澄清：Wilson絕唔係因為樣衰而咁耐先無女朋友。親戚無數次問Wilson點解幾年都無拍拖，Wilson已經聽到煩

了，亦無可解釋，今次佢帶我去參加佢親戚嘅盛會，以行動回應。今日係Wilson舅父嘅生日，於酒樓擺3圍酒席，Wilson將我

帶到酒樓，唔知係咪已經騎劫人地嘅壽宴，從而成為焦點？

為比各親戚一個良好印象，我特意買一條新嘅裙去參加Wilson舅父嘅壽宴。狡猾嘅Wilson向我講要壓軸出場，所以佢想最後一

個入場，我真係比佢吹脹，但係我亦無異議。原定時間8：30pm開席，我地8：35pm先入場，當然，開席時間點會準時？我

地入到去啲人仲打緊麻雀，傾計。Wilson推開對門，我手繞著Wilson手臂，笑面迎迎對住各位親友。場面係咪有啲似結婚步入

教堂？當時我的確幻想著咁嘅情形入去。入到去，行埋我地身邊嘅係Wilson啲姨媽姐姐。『偉廉，你嘅女朋友呀？』『你終於

拍拖拿？』『幾襯嗰』『幾時結婚呀？』一大串問題，Wilson只係係咁岌頭，同埋講係呀係呀。Wilson嘅舅父行到埋嚟迎接我

地....

Wilson舅父：『喂偉廉，你嚟拿』

Wilson：『haha，係呀』

Wilson舅父：『你今日搶我鏡嗰，帶個咁靚嘅女朋友嚟haha』

Wilson：『唔敢唔敢，舅父生日快樂！祝你身體健康！』

我：『uncle你好，我叫Kelly，祝你生日快樂，青春長駐』

Wilson舅父：『haha，偉廉你依個女朋友真識講野』

Wilson舅父：『kelly呀可，偉廉佢蝦你嘅話我聽！我幫你鬧佢！』

我：『haha，放心啦，佢好錫我架』此時我同Wilson笑著對望

Wilson舅父：『哎咗，真肉麻，陣間你地盡情食啦啲』

Wilson·我：『嗯』

講完之後，我四圍望下睇下見唔見Christy，喺間房嘅最後一張枱，我見到Christy，佢身邊應該係佢嘅媽咪，當我望實Christy

時，佢竟然留意到我，我向佢揮手，佢即刻好驚奇，Christy即刻從張登落地，走過來，嚟遠都聽到Christy媽咪話：Christy你去

邊呀？Christy跑過嚟，我放開Wilson隻手，走前迎接Christy，依個時候，Christy用佢嘅尖聲大叫：舅母！我抱住Christy嘅時

候，霎時周圍嘅人聲減細咗，只聽到麻雀洗牌嘅聲，我就知Christy所叫嘅舅母已成為焦點。我同Christy悄悄話：Christy，咪講

咗叫我姐姐囉！Christy掩住口笑：嘻嘻。我抱起Christy望住Wilson，希望佢可以幫我解圍，我打晒眼色，點知Wilson唔理我！

依個時候有人出聲：『咦，點解佢會叫你做舅母嘅？你地之前見過？』

我：『haha，細路女玩下姐，係呀，我地之前見過，我同Christy好friend架，可，Christy？』

Christy：『Yes！我鍾意舅母！』

我再次跟Christy悄悄話：『殊，姐姐呀』

我帶Christy返番去佢媽咪身邊，同埋向佢媽咪同伯母正式介紹自己同打招呼.....

今次真係完